

三

書



匏翁家藏集卷第十三

詩四十九首

乙丑元旦星變下詔求言三首

午門黃繖忽高張御晷開來祗數行從此諫官閒不得案頭多
製上書囊

詔旨分明近可聽千官拜舞出彤庭定從新歲多新政却認妖
星是瑞星

次韻施煥伯自製菜燈見送

龍菴翠玉巧相連疑送春盤入夜筵園子看來猶恍若市人携
過已喧然肯將根抵埋泥土未許光華照木天賸有儒家風味
在買油聊費幾青錢

次韻啓南寫贈施煥伯范莊梓樹圖

行人墻下摩挲處重是范公親手培此日載將嘉樹賦清風長
傍義莊來空尋蟻穴難成夢免製犧尊豈不材須信畫家原有
意展圖如對北山萊

分題蔣山送屠寺丞

方山在其南破山在其北中維鬱然高失却兩山色昔人云龍
蟠信矣甚奇特神靈樂幽棲後世姓初易其陽築壇場
高帝始建國是時昭瑞應香霧俄四塞終然作陵園萬古奠南
極至今五色雲變化在頃刻迢迢太平堤高出如蒼脊行人睇
層峰勢壓厚地側陟官喜南行拭目此親覲棘寺挂笏時公餘
幸閒隙丞其不習予終朝翠千尺

題墨竹贈邵楚雄行

柳州刺史詩猶在種柳何如種竹清便向滇南長孫子郡人須

繫使君名

二月晦日濟之邀看桃花四首

風將花信報來真不見花開只見塵却愛君家紅兩樹小園只
合號藏春

花氣歡人暖欲醺不須庭下舞紅裙諸公好盡杯中物春色三
分已二分

夕陽持酒酹花魂新柳疎疎總映門漸有狂風吹綠暗已無明
月上黃昏

兩株濃淡喜齊開句引詩人共看來縱使堦前都落盡幸無流
水只青苔

追和啓南癸卯元夕後過施煥伯飲

天上星河隔一簾夜寒詩骨避重簷大牀坐久頭相觸短紙題

多手自粘佳節已過燈火在當年合向書圖添魚行橋下平生
路未老同游不待占

送仰給事進卿赴四川僉事

石城風月共襟期不負高名舊所推給舍官衙新改日朝廷言
路大開時西郊屢望雲行密東郡爭傳水漲遲秋到扁舟三峽
穩想應甘雨逐分司

分題北橋送張公實參議

行經下邳城試訪留侯事遺蹟今何存臨流漫相指侯也本韓
人天其畀劉氏能擊沙中椎顧取圯下履何必魁梧人中心始
知耻舉足直受之匍匐更前跪欲為帝者師寧被老人使嗟當
羸秦時虐酷到經史兵書尤所禁搜索徧焚毀一編出袖中依
然先秦字乃知老人愚遠勝始皇智黃石聊託名老人亦人耳

避世能全身同時類黃綺維古多斯人過客勿疑此去之千年
餘為侯究終始始見滄海君終從赤松子

賓之學士以母病寬以弟喪俱在告敬蒙

東宮賜問賓之有詩紀事謹次韻

僊蹤每恨失同堂寬初與賓之同班侍講後陞官始分賜問深慚及右坊班近前
星仍遠直語溫他日尚無忘薰風又喜萱花茂苦雨偏傷棗萼
芳孤抱幽憂增感激晚來詩句為携將

閔止友陳起東詩畢

寥落江山寄一官惡懷中歲及多端猶瞻壽域遙持酒豈料書
幃已蓋棺坐上威儀直簡率句中風韻少酸寒晴窗遺墨斑斑
在淚灑瑤箋不忍看

輓鍾同御史

同景泰間以諫復東宮而死後贈大理丞

屹立丹墀犯逆鱗
臺端風采一時新
豸冠不倩旁人正
螭墨能將大計陳
試使剖心應為國
亦知緘口定全身
周君已死宗元逝
墓碣終當表直臣

為楊應寧題夏太卿墨竹

舍人好畫誰與儔
子美詩裏之劉侯
鳳池退食多清暇
每抱謙楮從人求
昨者開筵宴賓客
四壁彷彿橫滄州
酒酣指點到脩竹
數竿倒拂湘江秋
清風脩脩刷翠羽
孤鳳欲下中堂游
乃知夏卿妙筆墨
奇態縱橫纔頃刻
歛然令我走避之
仰面分明墮崖石
紛紛真贋不可知
我意是竹皆堪詩
試看北地苦難得
此種數尺青垂垂
舍人好畫兼好奇
明日南行過九疑
扁舟夜靜月初出
想對楚人歌竹枝

送應寧雲南訪族

曲水當年翠幙新
看君曾探杏花春
愧無文贈張童子
喜有詩傳賈舍人
洛下未通黃犬信
滇南不祀碧雞神
卜居京口謀如定
晚歲扁舟尚可親

秋享致齋呈同館諸公

柴禁門深早散朝
步歸齋閣坐寥寥
日高宿霧渾如撲
秋至涼風不待招
河上圉人來浴馬
樹邊童子去承蜩
詩僊只在爐烟底
緜盡晴窗白雪謠

又懷翰林諸公

古樗當戶翠陰浮
畏暑時時候蓐收
人遠端如隔千里
日長何止度三秋
焚香合送清泉餅
酌酒休誇白玉舟
賴有大牀便午睡
只將幽夢繞瀛洲

答諸公見和

詩筒相送少沉浮入手雲箋次第收苑鳥亂歸初對晚井梧將
落又驚秋廟垣馳過天閑馬齋閣橫如野渡舟憂抱無緣從祀
事高丘南望是長洲

次韻程克勤抱病齋宿

嬾着朝衣侍禁門非關好睡只昏昏吏歸別院鷄聲起客去當
階馬蹟存展卷書魚常自拂倚牀屏虱未堪捫知君痛定還思
痛便腹空畱百壯痕

又次韻夜坐

此夜金莖溫露涼誰家玉瑄弄清商河流屈曲東溟近星彩闌
干北斗長法駕出宮千騎整廟庭陳俎萬松香詩人抱病渾無
寐欲獻幽風七月章

送儲考功靜夫

獨赴南都第一曹塵然風骨舊儒袍海鄉人物前朝盛春榜聲
名此日高粉署品評多有暇紫宸趨謁未勝勞平生為忝斯文
契雲路難畱自羽毛

次韻胡彥超致仕畱別

昔人早已歎賢勞十載何堪第六曹忽報兩涯秋水盛回看千
里白雲高遠途重負歸方釋巧宦爭馳戰敢鑿為想東陽名酒
熟和陶詩就合風騷

送沈良臣知歸德州

吳下傳經久得師名高黃榜副深期進身自惜凡三折出守于
今又一麾親老定儲迎養祿官廉須立去思碑連科佳話鄉人
紀三沈賢名欲共馳

戊戌科沈元知深州辛丑科沈林知
晉州甲辰科良臣俱長洲人同姓

秋日園居對雨

但聞人悲秋未聞人悲夏所以涼風生不如暑雨瀉何況風雨
交蕭蕭自深夜朝來御袂衣寒粟凜生騰淒然園林間物色已
可訝兩榆本朽材牽牛故憑藉引蔓何其長見汝易凋謝決明
顏色鮮獨立出其下籬落幸無求疎枝正相亞

晚晴

閱書短窗下陡覺雙眼明不知荒園中晚來雨初晴西墻閣夕
照晴光射東生海天一何高崛起虹蜺橫須臾歛去之天巧聊
戲呈憶昨延二子王汝原已劇談見鄉情憂懷爲少散非藉宿酒清
却愁雨旣甚飄風復相傾安能更致之共此林下行籬落滿秋
意菊枝已含英我自比陶潛人誰作王弘聊申再三約預訂重
九盟

爲寧縣令蕭光甫題墨梅

老榦彎奇新榦直總是昆吾鑕鏤色枝頭忽被北風吹迸出疎
花成戲劇薄如蟬翼細蝶鬚敢與臘雪偏相敵雪也無香復易
消阻山背水俱無策花神冷笑不言功月下脩脩倚蒼巖狂游
不到綺陌間小隱時當野橋側平生高韻有誰知此種奇姿何
處得補之已逝叔雅亡人間久矣無清蹟詩人未補白華詩畫
家重倒金壺墨悠悠此意我所諳欲向蕭侯聊比德試看寧縣
九年官篋裏只餘花的的士林傳玩等甘棠黃鶴樓中莫吹笛

送巫克莊知孟縣

霜落都門重此行長材聊復慰飢氓定期赤地連村熟試看黃
河繞郭青春院種花前令事秋闈攀桂昔年情中州不與長安
隔賸有人來達政聲

送袁道官還南京朝天宮

九曲門深古洞天，冶城山色尚依然。重開紫府如三島，一着黃冠也十年。聊逐斯人游世路，更從何處領真僊。數間祠屋偏鄰近，好拂丹青護賢。

送道士羅永澄還住福濟觀

獨鶴翩翩下玉京，霜空無際趁秋晴。久為玄學慚方士，親向僊班謁上卿。水岸曲通三島僻，夜壇頻禮七星明。榴皮繞壁題詩滿，歸與回僊又慶生。

送鄭仕信知大猶縣兼問訊王允達

州縣勞人歎獨賢，秋風捩舵又南旋。浦江喬木渾無恙，庾嶺梅花却有緣。豈待新遷隨例得，更將遺愛與人傳。青巖山下經過地，為謝閒居鳳沼僊。

次韻侍郎王公還南京畱別二首

畱務經心白髮新，從來學海更知津。入朝未曳尚書履，直閣曾垂學士紳。天上誥詞瞻湛露，郢中詩句和陽春。後生共有攀畱意，不獨詞林滿故人。

秋水浮來畫舫新，南歸仍喜渡天津。未從江左誇王導，如向朝端見李紳。黃菊又逢燕地晚，青山偏愛秣陵春。陛辭却枉重瞳顧，應識青宮舊學人。

送王抑夫赴官陳畱

南都聽罷鹿鳴歌，坐覺悠悠歲月過。久矣長才淹上國，壯哉名縣隔南河。鄭莊此去須行水，趙過從來善種禾。能使流移皆復業，看君聲譽數車多。

送林朝信還廣西分韻得歲字

玉河凍不流，曉結冰花細。客館傍東堤，三旬喜畱滯。捧表被光

華開筵接親契抵任尚遲遲吳門度新歲

題啓南畫

閉戶蕭然亂雪中已無賓客晚堂空
槁梧獨據忘為我老筆能揮愛此公
却構石闌臨絕澗似聞茆屋卷秋風
十年列却西莊路歲暮相思白髮同

題元顧仲瑛玉山佳處卷後

卷已已久仲瑛之孫御賢始得之上有陳基記文

神龍飛度石頭城一日吳門失顧榮
池上已亡金粟影仲瑛臨
丘中不改玉山名故人斷簡重相授
內史高文孰與評基仕偽吳為內史
栩栩百年真夢境濠梁還見蘓題銘子觀魚臺傍題其屋曰
夢蝶

王汝席上詠物

橘

來從馬上郎猶帶洞庭霜香霧騰金
華清冰貯赤囊曾聞書後寫宜向醉
中嘗愛此非陳紫能留客滿堂

新米飯

繞厨香飯歎初成吳下長腰舊有名
何事今年荒旱甚貢餘猶自飽新粳

玉箸魚

天寒鑿破水晶宮貯向銀盤望若空
對案莫教容易食層冰指落念漁翁

濟之席上詠物

風菱

長腰如磬折入手訝中空歲晚懷佳
味吾曾白傅同

銀杏

洞庭霜落後不數楮能黃把玩還長笑因懷阮籍狂

冬筭

錦棚秋後脫玉趾雪中過大嚼何須肉平生愛老坡

贈顧正科鏞還中都 仲瑛五世孫

清晨持刺扣門投有客來從淮水頭吳下故家依二曲沛中遺
調習三侯閱人詩畫才情麗傳世衣冠仕路優欲畫尊前鄉土
話雪晴歸騎恨難留

悼李御史士常

紛紛餓草蔽河津不卹微軀欲徧巡驛騎書來俄即世轉車棺
在已周身道塗涕淚從諸弟文字交游失此人知是平生無別
好只將詩句哭元賓

謝濟之送銀杏

錯落朱提數百枚洞庭秋色滿盤堆霜餘亂摘連柑子雪裏同
煨有芋魁不用盛囊書復寫料非鑽核意無猜却愁佳惠終難
繼乞與山中幾樹栽

寒夜熟寐右臂偶加湯具成瘡痛甚不能舉移因讀邵

康節臂痛吟戲次其韻聊以遣悶耳

春滿寒衾擁瘦軀無端一痛折肱如為文曾效前修撰少時曾作湯媪
傳作字俄遷左秘書禮謝擎拳情可恕醫因掣肘病難除坐來
歲暮多憂色此苦誰非自取乎

匏翁家藏集卷第十三

東嶺遺韻全效

寒郊題林白

鷲之與山中

如月半供不

除未與姓百

匏翁家藏集卷第十四

詩四十七首

丙午郊祀齋居夜雨獨坐

時予以服不陪祀

春城閉重門夜館耿孤燭嘿坐方悄如柝聲遞相續衾未成
眠伴我只僮僕微雨恣飄揚寒花結群玉員丘歲有事大駕朝
出宿明當還法宮天意亦可卜清道少浮塵龍車為膏輶郊南
只尺地宿麥芽已綠願言同發榮 皇恩被陰谷

次韻詹事楊公齋居兼憶其弟惟立二首

何處清齋三日東衙仰見重檐未忘解帶題字為愛焚香下簾
俗子休云寂寞宿儒合處深巖月明望斷西野刺眼青山最尖
莫信瀛洲路遠相望只隔西東長溝碧瀉千丈密樹青含萬重
社老看雲未足謝家夢草應同早朝還跨高馬金闕將鳴曉鍾

上元日劉道亨家作同年會

共愛城西此會稀
退朝爭步出彤闈
好風入座杓行酒
瑞雪當階故點衣
盛世官銜慚未稱
諸公名節願相依
從今便作同年錄
每遇新春幸莫違

同年會散夜赴濟之

九衢飛雪暗樓臺
走馬城西此夜回
只尺過門猶不入
尋常勸酒定相推
燈光四壁懸明月
鼓響千家殷海雷
宛有眉山風致在
清虛堂裏似重來

為王惟顥題米友仁苕溪春曉圖

古今畫法凡幾變
顧陸以來皆有傳
紛紛衆史後何多
丹青點染徒相絢
澹然水墨誰所為
直以霜毫付星硯
謝家林下有清風
號國馬前還素面
閒情逸韻覺脩脩
豈似長安水邊見
只今

破紙蟬翼如一疋
猶勝好東絹
楚山清曉別有圖
當時曾入宣和殿
惜哉畫譜弄斯人
正坐涪翁黨
遭譴吁嗟此事亦區區
姓名得失何須辯
吳中故物存幾何
近歲人家豪奪徧
王郎乃獨保藏茲
寄我數回看不倦
水遠真從天目山
煙深莫辨烏程縣
恍然載我江南游
案頭喜有春雲便

二月十二日濟之復邀看桃花和舊韻四首

去歲看來記得真
依然樹底踏香塵
東園舊羨花開早
屈指猶先廿日春

紅粧半醉倚斜曛
細草同栽八幅裙
蜂蝶紛紛休共鬧
兩株香粉要平分

花朝何事黯詩魂
下馬徘徊嬾入門
陌上徒歌歸緩緩
樽前難得醉昏昏

春風次第要花開
試看園丁更種來
不用詩招熊少府
明年隨意坐蒼苔

送顧生伯謙應舉

南國重臨大比時
袖携書卷過門辭
洛京已受丁寬易
吳郡休云顧愷賢
父設施真是政
老夫投贈不成詩
少年雲路呈高
手未論秋風折桂枝

觀內閣芍藥

絲綸閣下幾枝紅
長許行看數步中
獨荷發生應近日
未容零落便隨風
品高已作詞林話
根老還收藥劑功
若向人家園裏種
倚闌安得致三公

追和元危太樸學士游石湖寶積寺

禪堂擁翠總雲岑
誤認天平萬石林
學士放歌來水曲
道人偏

袒坐松陰飲泉別
澗多溪鹿啄木空
山或野禽亦欲他
年間倚棹繞湖風
雨聽龍吟

送黃和仲入南雍

范公園裏重回頭
二十年前憶共游
壯歲始看登仕路
春風相見在皇州
橋門德業爭先進
貢院文章豈但收
獨恨南還畱未得
却憑飛絮繞行舟

酬吳元璧自黃州寄石子百枚

岷江東流幾千里
江頭纍纍多石子
黃州幸遇蘇長公
怪石得名從此始
浴江小兒信手探
戲與易之惟餅餌
自云智出兒之上
不知兒得從泥滓
兒爭啖餅飽而嬉
笑殺先生癡絕矣
亦知中不癡在作
供分明立文字
當時若將餅餌供
餅餌有盡僧不喜
盆中五色粲如星
客來只費三升水
黃州通守古同宗
三

十年來况知已公退閉門無所為偶然興落江之涘遣人拾取
僅百枚寄我封題仍一紙開緘未畢便傾倒數顆猶藏布囊底
我家舊蓄漢銅槃用以盛之稱二美遂令菜圃汲寒泉頓覺雪
堂移矮几日長玩弄暑氣消信哉一段真奇事但嗟圓滑匪他
山漱處安能礪吾齒老狂自效坡僊徒置我胡為衲僧裏作詩
一笑賴誰知石也點頭云有理他時須更報瓊瑤莫怪匏翁不
知止便成後後怪石供傳世還將文字紀

玉河橋夜坐候朝二首

禁垣迢遞接僊橋歇馬長來候早朝薄霧不遮蓬島月急湍如
湧浙江潮天門燈燭晨光起陰洞衣裳暑氣消身在翠微宮裏
住倚闌誰弄玉人簫

白玉闌邊水氣通涼生高樹總含風河循碣石疑無底天轉牽

牛望正中朝報不聞空羽檄宮僚秘覓祗詩筒亦知夙夜成何

補丹宸勞多念

聖躬時禁朝報而
遠東有警言

鄉僧來京師者多乞一詩而歸蓋皆舊識于山水間者

共十二首

智勲還洞庭興福寺

杖錫過京華西山即是家有時論日月隨處臥煙霞懷土情終
惡還鄉路亦賒春深俞隲裏應為問梅花

文懷住吳江法雲寺

見說湖心寺人須一葦杭水浮林屋近地限雪灘長挂衲投禪
杖緇經坐講堂邑人多好施應愛道風香

古梅住半塘永福寺

靈鷲山中一樹梅千年古意自西來暗香浮動今何處應向劉

公墩下開

員政住杭州虎跑寺

百花菴裏又栖禪竹樹蕭然野水邊欲洗北來塵土足扁舟直到虎跑泉

定佩住城東定慧寺

久從玄墓山中隱又向湖州市裏行浮世此身皆可託應同圓澤話三生

某住石湖寶積寺

碧山影落石湖心詩句從來最易尋為語山僧須管領他年吾欲載登臨

某還石湖治平寺

湖上何年開寶坊峭峰為壁樹為堂地高已與諸天近何處人

間是上方

宗全還七寶泉

細飲山根七寶泉北來還上五湖船大方游徧渾無滯佛法胸中已了然

永明還法華寺

吳西山水尤佳處舊有蓮宮號法華歸去緣知添嫩竹到來猶記裹新茶

真慎還玄墓寺

諸徒祝髮總嘻嘻正是山門復盛時預約舊游須再到好磨蒼壁待題詩

文鄂住文殊寺

文殊蘭若今何在說在陽山箭闕傍入定不知風雨過白龍應

向鉢中藏

戒香歸洞庭福源寺

扁舟何處發遠自北都還若住人間世無如湖上山孤雲仍兩角此地少三斑橘柚能供稅秋深便掩關

為文宗儒題鉤勒竹

碧玉參差望若空高枝疑在月明中百年寫法今如許為憶君家石室翁

為王古直題畫寄其鄉郭筠心

赤城霞氣映柴關筠石翛然屋數間堆案有書誰共較過門惟許謝方山

送宗儒

南望瑯琊尚鬱然山林重結半生緣未論幽谷能量馬更話清

池有醜泉上邑多年懷異政古官今日荷新遷秋來海月菴中意莫忘持盃坐短筵

補送呂秉之太僕

典客南行荷美除皆山忽憶記環滁政成有地真堪牧詩就臨溪尚可漁壽母頻供堂上饌故家長保篋中書相逢盡是青雲客科第誰從世祿餘

次韻詹事楊公過玉延亭畱題三首

退直從容下木天楊雄多病喜新痊楣間舊墨分明在秋雨頻經洗更妍

高軒重過晚涼天詩癖秋來獨未痊試為續題誰得似屋梁明月共清妍

槐亭缺處見青天仰誦新詩百病痊秋色解人畱款意小紅疎

翠故妖妍

送林同知仲璧赴官惠州

燕都纔識面浙郡久知名合與方州去仍為半刺行涼風雙旆
遠積水一舟輕欲訪東坡事緣知待政成

送楊君謙

子有好學名得之直從幼矻矻忘其疲每以夜為晝誰令不自
愛坐與簡編鬪旋致心腹間有病見脉候鄉人嘗謂子文筆真
似舅欽謨舅也昔恙病亦在掇科後七日儀部官在告月且又
服藥未見功具疏遂入奏昨朝獲俞音顏面喜欲皺西風作新
寒南去不可逗相過一何疎相別一何驟子去固欣然孰與箴
老繆惟子有書癖舍書莫能救譬如病酒人戒飲貌愈瘦何如
稍飲之病去漸復舊予病偶類茲簡編實醇酎始多仍吐之紙

上發奇秀三年當復來觀子所成就

為都元敬題春山讀易圖

山中春雨過嘉樹如新沐鳥語時復閒惟聞磬聲續對此一欣
然孤懷浩無欲便携童冠人詠歸效沂浴歸來亦何事妙意溢
春服寤寐義文間手持一編讀倦倦濟時心願言均發育

謁陵宿昌平學舍

閉門無事謝諸生西舍支牀睡未成樹老不禁風勢急山高空
負月華明連槽疲馬時相嚙隔屋群雞忽亂鳴安得故人來此
宿壁間持燭共題名

還宿學舍

夜深踏月到孤城塵土衣裳一振輕諫議祠空凡再宿廣文官
冷又前迎思家不覺心旌動紀事誰將腹藁呈肯信身逢長至

節三年南望是神京

次韻答陳粹之憲副病中見寄

時粹之分巡貴州都勻有黑苗之警

游宦西南久挈家故居回望隔京華
下牀倚杖憑醫藥把筆題詩散墨花
捷報擬聞收狃狁窮搜還見放蚺蛇
祝良定有單車在歸路應循舊轍斜

秋夜餞李貞伯取唐人詩各拈三字為韻三首

光動疎林月似沉小園畱客坐墻陰
尊中賸有江南酒拚唱離歌到夜深

灣頭一月繫方舟闕下三年續舊游
昨日林亭看寫照凜然詩骨映清秋

常見揮毫滿鳳池未應白首在畱司
贈公遠用詩人語

天子于今念所毗

嚴布政輓章

繡衣玉敕重分司憶昔公來提學時
淺薄空慚當日獎高明未許後生知
省中幾處揚風采闕下頻年候羽儀
萬里蒲陽南望拜墓門春盡草離離

郭僉事輓章

自古皆有死何人能免之病來仍服藥
尚冀延少時病甚不能起猶遺生者悲
何況不以病悲亦從可知郭公官外臺
精勤多設施風采振列郡聲名出分司
往來江湖上官事有程期豈是馮河者
輕身忘險危傷哉俄須間遂與此世辭
楚水向東去千古從湘纍湘纍乃自沉
試誦懷沙詞惟昔識公面尚記來京師
骨氣頗亦寒或云數宜奇斯言遂偶中
相術能無疑不弔乃于彼託音聊在茲

匏翁家藏集卷第十四

匏翁家藏集卷第十五

詩三十一首

丁未春試畢送吳中四進士歸省

毛珵貞甫

春榜名高第幾行自誇毛義出吾鄉
班聯玉陛通朝籍政試銀臺挾奏章
新製衣冠歸故里近將舟楫倚廻塘
君恩浩蕩應難忘仰見門前進士坊

陸完全卿

鄉書高薦赴南宮又見名題甲榜中
王弼易編真有得陸機文賦早偏工
身辭霄漢天門近宅傍江湖水路通
却藉君恩爲母壽綵衣頻着舞春風

楊錦尚綱

禮闈曾忝校文章筆勢如流欲擅場已向天門看放榜忽傳
恩詔許還鄉畫船得意春風順綵服承顏白日長為語時人莫
相羨晏嬰心不在揚揚

吳璿汝礪

遠承 恩詔許宦親誰似高堂具慶人遠去不勞東道主暫畱
真作北都賓賢科始覺文章貴仕版高題姓字新總道故鄉風
物好壯年為國在經綸

次韻任太常過園居四首

暑氣鬱蒸知嬾出肩輿只許到寒家元脩席上能供菜康節車
前慣看花尊酒長空非北海冊書相對是南華醉鄉不識茫茫
路始信吾生亦有涯

出土尚嫌瓜蔓短灌畦方愛井泉深門前有客馬常繫牆外誰
家屋俯臨未必市朝生俗狀只應魚鳥識閒心好山移得聊相
款階石纍纍總碧岑

卓午風來特地清槐花落處入簷輕高荷久待蓮生子香草不
甘梅是兄倒屣出迎翻失禮解衣畱坐更忘情玉延自是吾家
物欲學盧公也爛烹

休笑吳儂故態狂小園日涉步能量閒憑却愛琴徽冷連飲惟
誇茗碗香何日歸田成老嬾終年學圃覺清忙乘涼莫惜重相
過只待籬邊雨一場

送趙栗夫歸省

生當全盛時仍遇至樂事豈因掇高科不在登貴仕故園寄吳
江游釣舊為戲別來餘七年往往入夢寐家有大父母八袞行
且至手題數行書昨者附鄉使書云吾衰矣久望汝歸侍汝父

毋猶壯歸日尚可遲老人風中燭此語真善譬此意豈不知此
願獨不遂 明主勤萬幾曠職微有位故緩歸省期俾盡匪
懈義而況宵旰間切切在法吏私情苦難伸如繫千里驥遙望
天之南安得插雙翅終焉齊人心天下以孝治一朝 恩詔頒
跪聽殊足慰又如驥欲奔始脫銜與轡匆匆治行裝舊館視若
弃載感 明主恩仍給道里費長河引輕舟連日風更利鱸
鄉適新秋水芳散荷芰日出垂虹橋駢肩看乘駟登堂問起居
稱壽先舉觴此髻者吾兒彼冠者汝季各令向前拜起立亦以
次鄰里爭入門感歎共驚異斑白映錦衣三世一堂備此樂難
具陳盡出 上所賜努力在他年圖報端可冀

次韻任太常雨中見寄

矮屋哦詩發長噫前債未償仍後債園中雨急水暴增滿地江
湖失疆界敗牆欲壓走避之早受鄒軻知命戒只今一雨八月
餘小犬隔籬應吠怪簷角俄驚瀑布流槐梢不見虫絲絳恍然
置我吳淞間拍岸風濤殊澎湃此時此意屬何人只許王延亭
主解天公聊作小兒嬉來獨何遲去何快晚涼芳草徧池塘一
躍青蛙亦嫌隘寒裳行水過菜畦短杖臨流自疏殺狂風拔樹
隔東鄰却笑呼童氣全憊

對雨

清池水長欲平橋雨勢渾如上晚潮泛泛漸於亭礎近淙淙真
是算泉遙即看竝浴鵝群戲却恐新生魚子漂東望菱濠歸去
好吳儂家有木蘭橈

送侯主事歸省

聖皇崇至德 文母上徽稱有詔恩斯洽先朝例可徵下臣

如挾纊中抱切臨冰覆奏命音得傳聞孝道與嚴闈辭舊任散
秩荷新陞起舞衣裁錦頒來誥織綾飯香收早稻水落薦鮮菱
住占江湖景吟成月露形刑疑應久待路轉孰先登六月南溟
息風回看大鵬

哀張兼素

當年南去共傷神雪騎冰梁萬里人折檻已回 明主意賜
環能愛小臣身忠賢慷慨常相契情事蹉跎獨未伸七載心知
從此絕豈緣同榜失相親

哀袁德純

對客方談治邑才出門俄送訃音來久知憲節從家過肯信喪
車並海回直氣未舒空奏牘高懷無間便啣杯傷哉失却青雲
器孤寡壘然更可哀

送彭教諭道赴長洲學 先任吳縣學

遠爲鄉邦賀得師扁舟南去莫遲遲還從蘇郡更新學重見胡
公舉舊規難弟追思如昨日諸生相候已多時清門久忝斯文
契贈別安能惜賦詩

雨後答邵文敬

急雨過荒園似向城西去豐草覆清池涼風起高樹中懷適欣
欣入手得佳句累日苦炎蒸翛然在何處

送琴士楊雲翰還吳

落木蕭蕭墜客衣青天獨鴈向南飛登高徧覽皇都壯話舊常
將旅食違卷滿雲煙停綵筆堂虛風露冷金徽鬱林石近婁江
水應爲臨流作釣磯

送夏司封崇文

蕭然客舍洛陽城曉拂塵埃識賈生夜半未承宣室召秋深重
作秣陵行畱司今日渾無事言路何人獨有名知是篋中藏舊
笏諸孫應不愧玄成

謁狄梁公廟

在昌平縣西

遠從唐室見賢豪殿上香煙映赭袍入夜不憂虓虎噬向晨休
報牝雞號庭空樹瘦憑誰剖沙滿溪毛欲自薶讀罷碑文出門
去史家餘論范公高

謁耶律丞相墓

在瓮山下前有石象鬚分
三線其長過膝真異人也

角端人語大兵還帷幄功高掩伯顏身託中原只抔土神歸朔
漠自重關僧伽香火青松盛翁仲風霜白石頑遺象儼然驚歎
久一間空屋倚西山

奉送

孝穆慈慧皇后梓宮遷葬茂陵十二月七日

列騎隨龍輜分官送梓宮戒塗惟吉日繞駕總悲風鈎弋名殊
久軒轅象極崇橋山遷葬地隊道定相通

奉送

憲宗純皇帝梓宮出德勝門十二日

風急揚沙礫皇皇出北門吞聲猶未哭眯目已先昏耕鑿伊誰
力登庸本 聖恩晚來龍馭遠雲去崑湖存

次韻任太常致仕畱別五首

歸去如公未當貧清溪碧嶂自為鄰地偏易覺柴門晚室煖先
知布被春書為長觀成故紙衣從新浴少浮塵集雲山下吾廬
在得向今朝置此身

此身真喜置吾廬尚有牀頭一束書海口潮生知進退天心月

到識盈虛已辭朝士誰通訊欲就漁翁更卜居百里好山俱在
眼只教童子導籃輿

籃輿朝出看山初懶學陶潛去荷鋤新法不行誰執拗舊書無
用是潛虛俗人自詫才名盛老態終嫌禮法疎三月柴門無客
到日高閒把白頭梳

濯足梳頭舊有緣更教午睡學坡僊一身自足三間屋百歲誰
增半畝田遇壑使回憂險地看雲高坐愛晴天朝鷄官馬俱無
用贏得工夫是晏眠

晏眠不覺過殘夕枕上哦詩做鮑溶猶喜形骸從小隱肯將名
姓入斜封日中塵滿室為市樹底陰多獨課農應笑丁公偏差
異夜深腹上夢生松

送趙武靖西征

火雲六月燒長空曠野旌旗相間紅王師未度盧溝水先聲已
撼燕然峰大將臂彎明月弓錦袍銀甲豪且雄前年一箭定兩
廣去年疋馬平遼東四夷矐若在眼底不知何物為西戎西戎
跳舞真狂童此輩置之譚笑中飛芻輓粟走千里到日且欲蘇
疲癯利兵堅甲何足說自有十萬藏吾胸黃河東偏結巢穴鼯
鼠五技依然窮沙場半夜無馬蹟捷書曉入明光宮此行本為
報請入天子豈意子孫皆上公史臣載筆鸞坡下願紀周宣薄
伐功

題赤壁圖

江流東繞千尺堤山鵲上結危巢棲游人夜半放舟過舉酒試
說曹征西征西當年下江滸八十萬軍盡貔虎眼中見慣劉琮
徒吳蜀區區何足數舳艫相銜千里連氣吞劉備兼孫權豈知

策士已旁笑矣彼遠來非萬全長江之險人能共不獨阿瞞兵
可弄東吳會獵尺書馳權也難將首親送帳底拔刀軍令行如
此奸雄安足驚周瑜早已借前箸黃蓋何曾論五兵五兵爭如
一炬火北軍敗走南軍坐紛紛燥荻與枯柴乘取便風纜十舸
波濤起立半天紅強虜灰飛一夕空平生親手註孫子未信水
軍能火攻誰云此行纔足耻更聞裹瘡歸清水玄武池頭計已
疎銅爵高臺聊自起當今四海如一家三國爭雄真可嗟尚想
綸巾巡壘堞猶將折戟洗泥沙武昌夏口東西路畫史分明入
毫素空餘赤壁付游人贏得坡僊兩篇賦

分韻得老字壽楊詹事六十

當代文章伯致身何太早長趁白玉墀獨立紅雲島逍遙館閣
間屢覓書上考試問今行年六十不稱老孰云進獨難鬢髮全

未皓宿詹叟舉步前路到師保平生胸腹中所有希世寶光怪
時吐之把玩驚浩浩藉之千金篋當彼五色繅持以示世人片
語莫能造常恨群經殘矻矻肆探討紛然註疏家舊說欲一掃
其間孔壁文尤謂顛且倒旁牽與後綴務使句完好遂令伏生
徒口授初具景我願天扶公精力免枯槁長留人間世立論自
義皞書此以公餘事無足道

劉公輓章

步入詞林科第前無幾聲華直至今唐人當陸
賈漢代生
生心制
負心如
難將
禮官公謚議士類雜哀吟墓有新題石家餘舊賜
期汝作霖瘁躬方几几盛世已駸駸俄作前楹夢

金斯
話在

莫吾道付浮沉後輩夫何恃先民最所欽玉堂嘉
沾襟

鮑翁家藏集卷第十六

詩三十一首

戊申燕九日

正月十九為元長春丘真
人生辰京師人為會甚盛

京師勝日稱燕九少年盡向城西走白雲觀前作大會射箭擊
毬人馬吼古祠北與學宮依簫鼓不來牲醴稀如何義士文履
善不及道人丘處機

次韻徐仲山上元夜過飲

坐閱年華復看燈故人今夜喜新增頻呵凍筆冰花少緩酌深
杯酒面澄身在社中應我老名揚海內更誰勿每逢今節成清
會只恐豪門總不曾

次韻文宗儒上元夜飲歸

佳節相邀入醉鄉夜深誰肯宿茅堂高懸應恨油燈暗細嚼聊

供粉餌香即席從容移筆研出門顛倒執衣裳何時更慰清寒
苦一舉仍須累十觴

送董尚矩使朝鮮

聖主新登寶位高儒臣寧肯歎賢勞
天朝雨露隨黃紙海國雲霞映錦袍
周室受封箕子遠漢廷陳策董生豪
史編有待歸無緩憑仗春風送節旄

送王漢英給事充副使

高步黃扉見俊人使輶恩詔動青春
春關門緩度風霜少島嶼遙瞻日月
新歲久禮儀存制作路長民俗待咨詢
百年候吏前驅慣鴨綠江頭不問津

送劉景元使安南

元年新建總熙熙詔下恩光及遠夷
劉向暫辭天祿閣王褒

空拜碧鷄祠離筵有酒杯重覆歸路無金橐
可垂應向文人談聖德越裳白雉謾云奇

送呂丕文給事充副使

賜衣新着歎光華畫舫春風散鼓笳
天上詔書頒絕域浙東科第出名家
朝廷正闕求言路給事初乘奉使槎
不是相如還蜀日前驅誰向里人誇

彭祖觀井圖

賈客適江海洪濤渺無津忽焉颶風作
舟楫竟漂淪蜚蜚川上浴何殊白鷗馴
寧知有飢鰥俟汝水之濱履危信多險
處坦終無屯所以下堂戒名言推子春
鬱然大樹下誰寫彭祖真飄蕭白鬚髮
千年貌如新草間者埽井蛙股諒可伸
保身乃至此壽合希莊椿古人不可作
故事從誰論此老飲水活應仗汲井人

且彼欲往觀人當置車輪中心宜怵惕豈徒保吾身聊成一轉語
語圖畫固有因茲事有與無不須吾重陳紛紛奉遺體足以驚凡民

次韻顏澄之與文宗儒同游香山

香山西望亂雲橫冒冷能騎瘦馬行只許兩人同一笑如從九老話
三生泉多細品煎茶味林密微聞伐木聲應訝金闈通藉者朝衣清
早入皇城

清明謁陵值雨留學舍

朝來好雨偏春城疋馬誰日禮初成崇桃積李詩家事又題祠壁記
清明野青山畫障情學舍高眠無一

次韻楊侍郎吏部

看花二首

雨脚前朝信似麻馮闌物色偏京華要知吏部庭中樹不放平章宅裏花

大手年來罷草麻揮毫重喜近文華公門桃李今如許總被春風盡着花

觀耕籍田

春郊風動綵旗新快靚黃衣是聖人盛禮肇行非自漢古詩猶在宛如
函朝臣共助三推止野樂全勝九奏頻稼穡先知端可賀黍盛不獨備明禋

初開經筵

蓬萊晴旭照璇題衛士成行陞楯齊朱戶洞開通上下緋衣列侍隔東西
報經訓志臣恭盡負宸虛心聖敬躋淺薄不堪叨盛事愧將周賚手親携

答濟之約游西山不赴

西山佳處約同登舊學登山法頗能莫笑曉來風雨阻臥游詩句也堪謔

再答

蘇門長嘯說孫登小技平生亦慣能此後山行難再約史書堆案要抄謔

三答

詩家山路說登登風雨蕭蕭便不能若說累年詩券起字多須用倩人謔

與葉翁游小南城

長街塵土日隨人不見青青草色新北闕嗟峨聊暇日南城迢遞故尋春寺僧供茗當為忝野老擔花勝賣薪欲訪遼金舊時

事百年何處有遺民

送潘栗夫憲副陝西提學

嗟我同年友多分臬事清衣如內臺製簪向法冠橫乘傳非無例書銓孰有名紛紛來蜀道往往說潘卿萬里驅馳地三年報稱情心勞隨使節蹟遠涉羌城子產游鄉校文翁載史評士風從此盛公議自然明啓事山濤具詞頭賈至行趨朝逢異數遷秩荷殊榮新政頒應滿高官界不輕人才工造就仕路厭將迎有待文班接重看學政成憑誰到西陝先為賀諸生

送徐季止

邇從吳門至起蹟南宮坊儒冠滿塵土京國初觀光早年富文學下視舉子場蹉跎乃至此宿志猶未償遠來亦堪喜有兄官職方一見季氏面歡然態如狂秉燭屢相對頗怪夢寐長紛紛

同來客寢食各有妨獨於下馬日曾不殊家常有姪已進飯有
僕爭施牀試言仲民意遲子葦高房青山映金闕西戶正相當
引子數共登把酒還自嘗嗟我忝交契累在尊姐傷感此友于
樂鬱悶隱中腸已畢內廷試復治南雍裝天風滿寥廓仰望孤
鴻翔上林多嘉樹回翅期成行

送賀御史出守蘇州

吳民方切九重憂祖道休將五馬留朝著又稱才御史封疆還
屬古諸侯香凝燕寢章郎詠舟過花橋白傅游我忝郡人無以
頌擬叨循吏傳重修

送西指揮分守汀漳

坐却東夷二十年平生文事欲兼全兵曹屢薦聲名久海道遙
分號令專玉帳清風開筆陣水犀波靜艤戈船班超自有封侯

相寵詔重期萬世傳

為周郎中公瑞題觀蓮圖

玉井蓮開花十丈此事詩家徒自誑何處池頭有此花分明蜀
錦裁成障清波渺渺波洋洋水榭人疑坐天上白羽風輕頻自
搖紅粧日出閒相向畫工作此待誰題意匠欲追崔子西平生
比德是君子耶溪不擬定濂溪濂溪舊有愛蓮說意見豈與埤
雅齊溪流一派接雙井雲孫早躡青雲梯公瑞雙井人

送原已還南京分依字韻

溽暑猶未退頗覺槐陰稀棲燕久相識鳴蜩靜還飛昨者冒江
雨遠來自京畿重念交親意時時欵我扉晚涼理舊話海月流
清輝西堂設臥榻夜永風褰幃惟子官醫院績美誰能譏入朝
復陞見只尺瞻天威銓曹已書最旅舍仍言歸諒亦戀老拙

所重定省違幸哉被封典恩光照庭闈白頭自足樂無勞製班
衣行旌向晚動酒盡情依依

中秋夜登仲山新樓賞月

天街東來喜橫亘夜靜無塵斷車乘青天故遣月娛人特為中
秋光轉瑩昔人徒訝一分虧此物始知千里徑團團餅餌家家
如矮屋仰觀殊不稱望裏撐空木最高上施平板還加釘已好
樓居仍好客主人引我凌飛塔解衣褫帶重延留案上珍腴已
先飭須臾衆客報齊來一笑頓忘腰折磬庾公故事擬重修亦
復平生無淺興少焉月轉簷楹間起傍朱闌時一凭俯觀南苑
白茫茫素練平鋪目難瞑中山地近兔毫分巨海波浮蚌胎孕
舉瓢便可酌河潢着屐那能絕泥濘椽筆誰將華榜題茲樓只
合名超勝置身如在太湖心萬斛龍驤初下石端愁波浪欲掀

翻為語諸公宜坐定群童獻技舞且歌鳳腹空空四絃絙我方
沾醉陶陶然新調疑從夢中聽夜深風露忽淒涼高處不勝寒
起脛主人勸飲意何濃美酒如泉瓶未罄底須隔屋問西鄰走
送茶瓜勞僕媵明年未首在誰家鄉社佳期當預訂言方脫口
客已聞吐酒闌然爭出應我家海月舊傳名菴外清光長有贖
王猷隔巷每共之今者安知非我贈戲言若大却非誇薄意頗
誠真不佞小園雖說乏樓居早向幽亭設長凳杜老還教徑掃
花范家莫道塵生甑諸公倘許過高軒就煩執此詩為證

為陳明之題墨梅

溪藤百尺餘慘慘顏色變遂令塵埃中難識冰雪面秋陽射疎
窗晨起偶開卷妙手非補之歷歷花可辨橫柯彎且枯老幹直
不顛天寒北風高滿眼集玄霰

為顧崇善題松溪高士圖

厨裏丹青能變化昔者愷之真善畫依然靈物屬雲孫仍見生
綃堂上挂煙霧溟濛曉不開長松臨壩何年栽急流噴薄崖石
動白晝歛爾生風雷望中秀色參天起漱滌孤根從壩水何物
離離徑寸莖自信山苗難在此高人獨立意如何想見清暉入
腹多支研山下寒泉側為憶深林拄杖過

為李賓之題趙大年雪景

故縑斷裂如刻鏤上有雪圖世稀有墨痕隱隱題名存孰視始
知元祐手疊嶂崇巒尖翠微高原淡淡留斜暉歲云暮矣北風
急樵舍漁莊俱掩扉疎林寂歷寒雅返意中不覺西涯遠海子
橋西柳巷深歇馬何時步魚堰

為陸全卿題劉松年香山九老圖

高松大竹生翠寒密林隱隱攢峰巒杳然流水出深谷新鑿山
中八節灘江州司馬不愛官笑領諸客來盤桓棋枰詩卷各有
適適意豈在陳杯盤酒酣耳熱忽起舞戲折名花斜插冠趨朝
疲繭足非病在野輕健心偏安權門赫赫誇牛李門下黨人分
彼此直氣騰騰逼石樓甘作香山老居士劉侯此圖超俗塵能
與九老俱傳神衣冠雖作山林樣狀貌終為臺閣人孰為胡杲
與吉叟孰為鄭據并劉真二盧張狄總預集居士樂易皆相親
獨憐舊友今何處禹錫微之嗟失身

初謁茂陵

玉冊金根闕澗阿高陵初謁淚滂沱九天載觀星辰近萬木長
哀風雨多豈有衣冠游道路何曾寢殿貯嬪娥鼎湖瞻望嗟無
及空抱烏號夜渡河

史館歲暮書與滄姪和之

高館冰生硯沼堅盈箱公案總陳年法家有事多成獄史學無
能強入編戶外龍文雲氣滿殿頭鴟吻日華鮮殘冬坐此嗟何
補寂寞全勝著太玄

匏翁家藏集卷第十六

匏翁家藏集卷第十七

詩六十一首

李賓之以問白髭并代髭答二首見示予髭偶如故而
鬚已多白因次其韻亦為問答

問白鬚

早年曾咎汝頗憶為文時忽焉白滿把次第行及髭衰老固宜
爾此理奚待思但恐緣我咎報復未可知嗟汝今且白白盡何
能為及髭更連鬚延蔓還至誰有言試述答靜聽當支頤

代白鬚答

頷下泚泚如美哉映眉髮倩盼未足誇於我或有缺此闕偶蒙
幸彼婦徒稱哲又喜得子依過眼豈云瞥子今自衰老感愴何
忽忽白也我既宜豈好為容悅置之勿復言處世口須啞

再問

與汝少相處到今幾何時汝白胡獨早不及徑寸髭山苗映澗
松物類偶有思草薶誠不忍念汝惟故知買藥強塗染此事吾
肯為獨憐相處日後去當訊誰真能成我老愛護均雙願

再代答

先人有所遺身體及膚髮而我處其間微細亦罔缺人生有脩
短何曾判愚哲惟道或有虧千歲等一瞥子尚忘久要於道能
不忽彼髭既如故撚弄自堪悅吾舌雖已亡臆對猶不啁

清明日園中見杏花初開

疎花寂歷似殘紅病眼摩挲望欲空已恨浥開無細雨却愁吹
落有狂風物華又報清明節人世真成白髮翁為語天工須索
性剩將春色慰人濃

懷林亭大謝鳴治謁陵遇風

天外狂風盡日吹朝陵有客正驅馳冥冥花樹春難見颯颯塵
沙晚更隨官馬不愁迷古轍奚奴應恨挈新詩歸來尚可誇僚
友沾濕猶勝冒雨時

謝安游東山圖

東山高臥如龍蟠天下蒼生望謝安徵書再下翻然起五十不
妨初作官征西將軍姓桓者致我胡為居幕下新亭狎視猶小
兒流汗何人面如赭北兵百萬次淮淝別墅與客方圍碁捷書
已至未終局江上阿玄班我師高懷磊落多長技誰識向來游
戲事後世風流強慕之登山也復携歌妓

喜儲靜夫考功自南京至

與子三年別長存耿耿思偶來今日雨又屬暮春時風度看逾

好功名喜未遲吏曹能自署應不數光義

哀原已

濃霜夜墮菊田荒不及根同蔓草長顧影共悲遺二老斂形偏
恨比三殤術留醫案真餘事名列詩家已大方親友凋零懷抱
惡臨風惟有淚成行

哀鼎儀

海濱歸臥歲華新靜裏焚香獨養神病勢已除知更健計音俄
到冀非真不將文字名當世豈為鄉邦惜此人路接婁江嗟後
死他年誰與共垂綸

午朝次韻鳴治

衛士成行總面東朱門傳蹕靜如空高飛海燕紅雲近煖入宮
花白日中華蓋逼時瞻北極衫衣垂處詠南風銀臺奏罷諸司

事肝食多勞念 聖躬

過葉翁看牡丹

吳下移根已甚難七年纔得兩枝看開時況被薰風急種法還
教宿土乾却愛陶盆當石砌未誇華屋薦金盤主人笑對成佳
北記取花名是壽安

和陸廉伯書寢次老杜韻

杜老當時句宛然況逢四月稱高眠綠池芳草紛紛積白日游
絲冉冉牽史館何人仍儼直睡鄉無事莫開邊爐熏已冷茶煙
起自笑閒官可管錢

早起次前韻寄廉伯

月黑頻將蠟炬然翻因夜短不成眠趨朝何補 君恩渥出
舍聊從吏役牽馬秣未看騰櫪上雞栖誰聽語埒邊江南一枕

無殘夢欲向司農謝俸錢

和廉伯復次前韻斷夜坐

衰年視物更茫然日落尋常索枕眠久坐誰言纔斷絕細吟翻
喜忽聯牽薰風作暑如初伏海月生明又半邊却恨連牆稀
集挑燈那送酒家錢

懷王允達不至

條然風雨作深秋何處江行定泊舟詔下數行曾遠召書來前
月已親收官河淺澁知難進仕路清閒好竝游猶有舊時高榻
在掃塵還擬重延畱

次韻陳一夔冒雨見過二首

黃醪醖花已狼籍春去荒園空復游芳草池塘猶可詠石庭風
雨故相畱呼童繫馬當門扇對面開尊罍酒罍因話閒時真未

得一時須爲散新愁

獨衝風雨東街口日暮相過意亦奇橋上醉眠成故事席間高
詠得新詩曲闌循徑行須徧矮屋橫舟坐不危滿目濕雲生
色請君休信是晴時

待李世賢同游西山未至

隱隱雲初散匆匆日又斜門前繫馬厨下預烹茶已幸能成
約胡爲復戀家莫將行樂事終付別人誇

晚至湖上

到湖疑路盡忽復轉林塘雨後添泉脉雲中漏日光新蒲仍自
綠怪柳不成行欲唱吳歌去憑誰覓野航

宿功德寺航公房

山下禪堂向晚登扶筇一笑有盧能飯餘蔬筍收齋鉢供雜香

花映佛燈漢闕乍違同野吏吳音無改盡鄉僧蒲團睡穩回清
夢風雨蕭蕭撼古藤

飲玉泉二首

龍唇歆薄淨無腥純浸西南萬疊青地底洞名疑小有江南泉
品類中冷御厨絡繹馳銀甕僧寺分明枕玉屏曾是

宣皇臨幸處游人誰復上高亭

垂虹名在壯神都玄酒為池不用沽終日無雲成霧雨下流隨
地作江湖坐臨且脫登山屐汲飲重修調水符渴吻正須清冷
好寺僧空自置茶爐

登華嚴洞

緣崖絡繞近青天十步回頭一竦然但覺群峰俱在下忽臨空
洞更無前三年桓擲堅誰繫半夜莊舟重莫牽便借石林迤

暑白雲為幕稱高眠

還至湖上

湖上尋歸路行行背落暉青山嫌客去白鳥背人飛不覺過泉
牕空勞帶雨衣江南如夢醒仍見水田肥

答廉伯以游西山負約

晚騎羸馬傍湖陰影落澄波數尺深衆樂固知勝獨樂豪吟長
恐壓微吟清高已向金門隱老大其如白髮侵莫道鄰居難見
面閒忙須信不同心

聞友人食河豚病發而卒

惟子稟素弱有病常纏身遂能通醫方數與藥裏親衆醫每謝
卻自謂識病真體中苦多熟食尤忌諸辛至如所飲酒惟愛淡
與淳以吳投藥麩未肯一沾唇往為風所中治療累踰旬恐終

誤朝謁歸臥婁江濱一朝有信至奄忽形離神固知病再作不知作何因嗟哉河豚魚未足充八珍古人譬莫邪信矣能殺人烹調雖云善發病莫與倫柰何甘此毒既死目須瞑脯作子美禍冰爲聖俞屯二物尚可食所惡魚無鱗重價爭買致聚食當初春匪直悼吾友亦惟戒吳民

送沈元中知餘干父嘗任刑部

南去意何如雲霄舉足初文名從甲榜宦業有刑書北闕須通籍西江且下車當令遺愛滿不止白公渠

贈僧瘦岡住吳城寶幢寺

古院清如許高閣瘦若何不須居十刹初喜附雙峨窗滿霜餘柿庭深雨後莎法筵揮塵處先爲敵詩魔

芙蓉紫萼圖

芙蓉數枝嬌且新宛然麗人逢水濱靚粧緩步不動塵曉起清露沾朱唇菊花意態淡可親老圃秋來初卜鄰其間顏色或不真却立恐遭石丈嗔江州刺史送酒頻餘瀝豈緣能醉人眼中紅紫紛前陳洛陽何須詫青春室空未覺詩家貧咄哉二妙誰傳神

爲陳副使寓題畫

深林有隙地似與高人謀屋宇四五間豁然對溪流群山傾如赴白雲出誰收屋中亦何有琴書足銷憂玩之以終老隱志於焉求憲史富清譽中懷慕前脩山林有宿好橫圖挈同游不惜持示我我意殊相投涼風報秋信高興歸滄洲

萊園居六詠

海月菴



原件短缺

P7

雲浪推來白玉盤坐深良夜不勝寒茅檐已盡平生興何處蓬萊閣上看

王延亭

薯蕷年來初種成楫間有客便題名憑誰為報坡翁道我亦能烹玉糝羹

春草池

自笑溝如丈八強兒童莫漫種魚秧謝家詩句空成夢此夜依然春草長

醉眠橋

陶翁逐客向樽前醉後高眠任自然嗟我作橋容客醉不妨醒眼看高眠

冷澹泉

工名實期綜核兵曹為卿亞畱務不可忽衆賢方滿朝獻納職免越陛辭沐嘉眷朱服映象笏平生盡瘁心官簿積功閥涼氣生新秋方舟待明發召還當不遐臣節益以竭

次韻答費昭壽二首

進講軻書到七篇每瞻紅日海東邊 恩承漢代慚何補學擬商賢恐未然天遠冥鴻空慕弋路長疲馬只垂鞭卜鄰定向東城下對面須將隱訣傳

杜陵休自託狂夫肥遯中園不改圖應笑蒼蠅隨驥尾誰將腐鼠飼鷓鴣晴雲出岫無心計流水當門隔步趨猶有詩編題四興平生功業豈全無

題石田古松圖謝周月窗治陳宜人病

籠中采掇皆良藥用之不當翻為虐京國名醫不受人一目裁

南逢扁鵲人言用藥如用兵須憑指下難喻度急攻緩補隨所
施信是胸中有方略沉痾脫去不言功但使危憂變安樂月窟
妙術真通靈妙處自得非醫經金門不肯受官職野服只愛居
林垞惠山山下高松樹願比此樹長青青漱泉冷雪仍產藥上
有兔絲下茯苓世人抱病爭取給熙然黃髮同千齡

重九無菊

佳節喜載臨藉有杯中綠如何籬落間獨少數枝菊遙遙小南
城異品應滿目野人不好事移送何不速無酒人但醒無菊人
尤俗我與陶淵明事事相友覆俗病惟自知客醉解留宿淵明
祇欲眠往往客遭逐黃花有時衰一賞已自足歲晏色青青
陰自脩竹

次韻賓之重九值雨獨坐

懷麓堂前樹蕭蕭感暮秋閉門逢節序落帽想風流空負此時
酒閒登何處樓不須論雨識四野少禾頭

是日甲子

次韻鳴治對菊

曉園移送帶煙霏看處詩成韻屢依來使相逢休更問娛人真
覺淡忘歸霜餘未落憐高節月下無言對冷菲誰識城東幽寂
者空庭疎雨獨沾衣

謝王主簿送菊

看菊曾為別墅游鄧村風露六年秋幽姿入眼猶黃面晚節驚
心易白頭已歎無錢空復對何妨有酒自相酬陡然離落增顏
色更把重陽故事修

為齋姪題謝廷循畫二首

雲中疊嶂翠模糊深樹茅堂隱若無莫向昔人論畫品開窗聊

對謝公圖

右春山圖

江湖極目渺無涯
蚌蛤隨潮上淺沙
開口自甘濡沫老
聒人偏恨是鳴蛙

右蚌蛤圖

題石田畫

麤毫濃墨信手寫
長卷初開是誰者
溪泉山石斷復連
亦着茅亭在林下
石翁足蹟只吳中
意到自忘工不工
平生所見亦不少
但覺一幅無相同
偽作紛紛到京國
欲以亂真翻費力
我方含笑人獨疑
真蹟于今惟水墨
我觀此畫雖率然
老氣勃勃生清妍
江湖欲尋具眼識
須上米家書畫船

過西苑

松偃瓊臺不受塵
虹橋綽楔記通津
瀛洲水滿分裨海
靈囿垣長接禁宸
虎圈久關空獸簿
龍舟稀泛靜魚綸
賞花未許陪游

幸誰羨賡歌作宋臣

游海印寺次韻鳴治

北風初急避高垣
竹屋清寒且負暄
客喜抱琴仍送酒
僧忙掃地更開門
投閒易度人間世
擇勝真游海上村
飲後題詩多老氣
頽然翻覺醉翁尊

哭王允達二首

孤舟遙寄一身危
病骨秋深瘦莫支
二豎豈勞催死別
九原安忍問歸期
夜闌燭盡多新夢
歲暮書回少故知
為憶相從今廿載
誨言重領是何時

短札馳來病已危
牀頭筆力強撐支
兼程到此猶難見
萬事從今敢預期
徐穉力耕人自薦
王裒行孝世皆知
百年家學諸孤繼
看取遺編手校時

早起

喔喔雞三唱城居類遠村髮隨秋葉落日與曉燈昏對案仍呼
飯披衣又出門自憐衰朽物終歲謁天闈

聞王古直至東鳴治

長安風雪值殘年又報王猷過關前塵土不沾京洛袂冰漸能
送浙江船平生蹤蹟知忙甚此老鬚眉想皓然賴有故人相慰
藉對牀呼酒夜燈懸

作鶴房

枯篁密葦作房櫳故遣僊禽宿此中曾見江南多鴨舍亦知吳
下有牛宮綢繆補戶朝南日倚傍垣墉避北風莫笑乘軒如衛
懿苦寒須念雪園空

次韻沈啓南自治生壙見寄二首

射瀆西行水路斜細論形勢見隆窪宋儒尚作山陵議郭氏真
稱地理家親手銘文鐫白石鄰僧香火傍丹霞又知詩骨偏強
健曳杖何妨閱歲華

倚壙高歌對斷崖鄙人安得此襟懷門深拱木栽培徧山近浮
雲坐臥偕曾子啓予言不安莊生息我意終乖司空自有藏身
地不學劉伶說便埋

喜李貞伯生子

秣陵疎雨作秋涼賀客緣知總上堂奕葉相傳宜李氏通家有
喜是吳郎臺高又復看招鳳書好何曾寫弄麈萬卷舊藏應會
讀任渠嬉戲滿攤牀

遣悶

歲杪匆匆只五旬惡懷偏屬長年人幼兒嬉戲兩頑物老婦呻

吟一病身風急獨瞻鳥止屋月明閒與鶴為鄰鄉書近報吳田
孰此夕愁眉稍覺伸

賦竹慶郭汝文五十

竹似賢昔日聞之白樂天樂天好竹好其德此語雖佳意未全
古來賢者必有壽吾於竹也蓋亦知其然所以風雨穿其雪
霜壓其肩空園寄傲不肯屈節操挺挺老愈堅吳門開壽域隱
者躋獨先堂上不合生此竹何人移入園中懸畫家竊取詩人
意以竹比德仍比年淞江之濱地宜此從今種滿數畝田削筠
必帶節斫榦當及篔簹可作冠榦可杖杖須入手冠須顛道遙
長醉竹葉酒掀髯一笑清風前

謝濟之送橘二首

得月亭邊碧樹攢及時摘實仗園官報君嘉惠如相稱須是閩

中荔子丹

黃紅錯落滿雕盤如見珊瑚間木難莫把糖囊名更改齒牙真
不帶清酸

西域賈胡以獅子入貢有詔却之次韻鳴治

萬里流沙奇獸去數行新詔滿朝歡須知此物真無益始信
為君亦不難盛世糞田曾却馬他人野鳥自稱鸞即看重譯皆
歸化敵國何方是契丹

次韻陳粹之謁先墓

歲暮寒風透布袍東門血淚灑平
楸數尺高北闕已承恩典重南山
裏身退能招士論褒

牙泉壤三重固手挿松
斧思牢顯親却在揚名

匏翁家藏集卷第十七

匏翁家藏集卷第十八

詩五十五首

送汝行敏守南安

南過虔州山勢回朱幡遙見繞城來郡中未許劉昆政池上猶
稱賈至才楓落吳江還倚棹梅開庾嶺獨登臺千年漢吏多遺
愛此去賢名定許陪

周莊懿公輓章

鎬京遙在望人物久難湮壽俊文還富詩歌甫及申策名懷得
士聽訟信如神淹繫園扉少超遷薦牘新周官卿有亞舜世弼
為鄰畿內逢凶歲朝端遣重臣飢民忙救援荒政細條陳國史
方傳信臺丞又即真京儲須乃積畱務要同寅定辟資宏父司
平得準人 帝心常在簡物議始能伸急召將馳使閒居已

乞身夢歸陽曲路坐閱秣陵春報
主身猶許憂時俗更詢
愁遺嗟一老溘逝恨茲晨卹典終臨穴良工載琢珉龍章殊赫
赫麟子總振振不忍緣思棗爭誇克荷新尋常蒙覓與宿昔幸
相親試誅平生蹟團詞淚滿巾

徐州重修黃樓

樓中不見羽衣人黃堊依然四面新坐使河流循故道俯臨山
石倚長津名邦信美皆吾土勝日登高與衆賓從此欲傳州守
事只須題壁掃清塵

陳堅遠新建黔陽寶山書院

黔陽縣裏推賢令赤寶山前復古祠高棟數間仍舊榜斷圭三
尺有殘碑沅湘杳杳多人物唐宋悠悠幾歲時日吉登堂陳桂
酒迎神須賦楚人辭

王忠肅公輓章

垂紳絕席見孤標正色昌言歷五朝除吏已如崔祐甫得
君寧論李文饒典刑尚有嗟何及壽考無遺幸後凋白世悠悠
存美謚鹽山南望白雲遙

送王存敬知興化分韻得但字

愁心誅愁

退朝赴西曹勤事流筆汗獄訟方紛爭直以片言斷老胥抱文
書卷舌詎能贊呂侯惟簡孚漢吏或精悍似君實兼之古人亦
何但從來白雲司往往重文翰當君治獄餘詩句又其冠秀雅
超凡塵落紙莫改竄朝士相與游敬服不敢玩如彼干仞罔鳳
翥爭仰看吾蘇昔缺守政劇孰可幹衆論咸擬君豈爲閩郡筭
一朝見御批光動姓名煥五馬俄在門腰帶仍已換十年幸
相知良會每連案如何朱夏初置我離筵畔所欣仕途開難顧

文社散作詩賀閩人私懷未須亂

送劉世熙赴四川僉事管水利

行行萬里去分司直到西川欲盡時肯使江流歸灩澦還看山
月照峨眉外臺總自刑曹出上馬親將 御敕持千古李冰功
不廢離堆刊木建生祠

謝仲山送鶴圖

東園白鶴似人長花徑孤栖每自傷粉墨如新初點染羽毛依
舊欲徊翔只疑明月還畱影却恨空林不入行對此忽爲蘇子
歎誰能呼取下高堂

有以廬山千年松遺予者種盆石上蒼翠可愛

眼底依然五老峯離奇數寸亦長松盆中貯水成兒戲几上看
山稱老慵全節始知君子德小材寧却大夫封茯苓歲久還如

斗拳石空嗟自不容

送鳴治擢南京祭酒

十載台南有臥龍重來史局又相從高名早已揚延閣宿望尤
宜置辟雍六館舊傳唐學制五經今作漢儒宗鑄京自昔人才
盛試看南金總在鎔

送毛貞甫給事赴南京

寂寞園居吏隱兼喜聞新擢一掀髯官當要地斯通顯名在賢
科却久淹脫穎已非人自薦抗章應與職無嫌頻年爲感過從
意秋到惟將別恨添

喜雨

北方苦春旱入夏雨亦微俄然見簷溜及午正霏霏散步荒園
中不覺沾我衣草木總欣悅膏沐滋容輝昨者宿齋戒徧走神

祠祈禮官朝入奏獨與 皇心違謂此在朕躬朕當幹玄機
宸衷之所至端能動天威今年定有望吾民應免飢

雨後

池上積雨餘惟聞芳草氣我亦愛韋郎賦詩工五字新蟬為誰
鳴老鶴作人跪吏隱真自兼翛然亦高致

葉翁以叢竹分種因題墨竹謝之

東巷青青早見分歲寒別種共欣欣世間益者成三友林下賢
人詠五君雨過不須論醉日風回時復見晴雲傳神妙手今難
得聊入筠窗翠鳳群

立秋日過蔡士弘太守新軒

高軒早與素秋通庭下脩篁共幾叢已鑿西垣延爽氣更開北
牖納清風主人解作投閒計有子真成肯構功委巷塵埃渾不

到畱詩何用碧紗籠

對月

秋月幾回賞獨有今年閒月閒不自知徑度雲霄間清光賴掩
閉孰把槐梢攀欲邀二三友豈為杯酒慳幽抱未能釋安能得
歡顏空庭步百匝悄悄中宵還

楊文懿公輓章二首

詞苑年來失老成越鄉菟去鏡川平史編未就多遺恨 恩典
初行已易名海內雄深傳制作尊前蕭散見神情玉延亭上畱
題處手墨如新泣後生

病深跌坐縮朝紳手削封章避位頻吏省却緣儒術重宮寮偏
荷 聖恩新群經自得私抄意小圃能容後樂身已矣不誇
門地盛白頭誰復見楊椿

送何醫養病還松江

旅舍天潢側醫名衆所聞口嘗池上水目望九峯雲慈母應無恙諸郎定好文莫言扶病去珍劑正煩分

冬至謁陵與黃子敬編修石邦彥檢討宿昌平學舍

樓頭鐘鼓咽寒風樹杪星河轉碧空百里人家多野外五陵兵衛滿城中游歌此地諸生在信宿連宵有客同孤榻擁衾清不寐夜長惟有賦詩功

還至沙河

高陵回望白雲中匹馬南歸從兩童朔旦正臨長至日昨朝猶起不周風谷深落葉填能滿橋斷層冰結自通便買村醪成一醉喜聞鄉老話年豐

爲屠大理題石田畫

生綃丈許畫者誰石田老人今畫師年來都下家家有此幅吾知出親手筆意縱橫信所之夾岸條然已疎柳溪陰欲度無舟楫萬杙成橋遠相接何處詩人誇瘦驥破帽欹風粘落葉兩山對峙開高閣豁訝梵宇容千間半空丹雘勢突兀雪竇天台真等閒老人昔共游虞山此景彷彿曾躋攀昆湖蕩漾臨几席水繞漁莊凡幾灣京華十年走塵土看畫分明能破顏山林在望鳥飛倦春到江南吾欲還

爲張英公賦瑞芝

偉哉定興王卜葬燕山麓墳上穹碑太史文大書平定交南錄惟王昔統百萬師天子使殄西南夷富良江上旌旗度生縛渠魁黎季犁伏波將軍立銅柱何如伐石作穹碑獨憐滅胡心不逐胡雲移平生遺恨無所洩墳上倏化爲靈芝不然天意

惜忠義故遣瑞物以表之我觀世間芝草亦常有誰似煌煌大
如斗將門有子復登壇摘處仍歸曹偉手此芝便合作如意帳
下偏裨看指授豈不見雲中飛報入京師醜虜聞風連夜走

次韻王汝哭兄

吳東富山水亦復含清暉扁舟昔所造宅舍煙雲微陳翁喜客
至勸飲爵頻揮入夜猶未散水月交流輝久憶此事在孰知斯
人非書來當歲晏仲也慘無依平生友愛念恨不身南飛惟翁
本善士保身已全歸但憐母氏老孤抱真難為厚祿幸可致諸
郎侍庭闈足為膝前慰少洩胸中悲

歲暮憶亡妻

素帷風動不勝寒魂氣茫茫久蓋棺時到暮年偏感物身留空
舍強從官呻吟尚有遺言在慘惻無如死別難松竹近窗燈火

暗夜堂孤坐涕洟瀾

辛亥上元夜仲山過飲

角燈懸處久生塵携酒相過賴故人率爾杯盤誰主客喧然簫
鼓自比鄰花枝欲動風爲信雲氣偏遮月滿輪却歎吾生有涯
者京華又住十三春

對雨二首

西齋閒看雨失與故人期旱地徐應入浮雲濕不移藤梢初上
架蘆筍故穿籬案上書籤亂賡歌有杜詩

晚來猶密雨小徑踏成泥亂雀依簷近踈花照檻低荒園須日
涉稚子不時携漸與鄰家隔高林綠已齊

次韻仲山詠兵部芍藥

赤雲司裏隔紅塵手種名花過雨新舊譜未誇金帶品清詞合

製玉樓春閩中陳紫空佳味洛下姚黃豈侍臣老眼摩挲須此
物買栽甘作灌園人

題王叔明野艇觀書圖

泊舟野水際不作水嬉謀舟中載書卷隱志於焉求坐處書在
手臥時書枕頭何須有酒飲始足銷吾憂日暮漁翁返臨溪勸
少畱還乘明月出同向太湖游

為楊應寧僉憲題畫二首

勝地着孤亭翼然臨絕岸杖屨復溪頭斯人來獨慣青松栽已
高白石煮應爛詩思逐浮雲峰回忽中斷

久移京口居雅愛江南意步過清風橋歸來甘露寺壯歲難好
閒宦轍驅人至餘習畫圖開山林遠能致

送陳何兩郎中分行南北慮囚

邇來治獄誰最精陳何二君俱有名手持朱墨發浩歎仍為死
者求其生豈云藉此以要譽刑罰所貴惟公平平生讀書真自
得呂刑兩字為明清邇來旱災及千里宸衷惻惻憂吾氓謂
茲感召必有自璽書早諭秋官卿死囚已釋十五六尚恐枉抑
連神京遥遥甸服隔南北一朝妙選令分行行哉星象動貫城
此事付託殊不輕亦知仰副九重意軒車所至無冤聲他時獄
案總馳奏覆視何用煩廷評

夏太常輓章

鳳池宣召荷 文自書藝當年獨擅場戢嶺遠師王逸少鑑

湖終賜賀知章垣西筆翰傳中舍海上樓船載太常幽室築成

方書寢誰將前輩擬清狂太常平生少暇即弄筆札未嘗書寢見葉文莊公輓詩序

續和任太常寫懷二首

夢裏生松腹笑嵒三公其柰此公何
勞人作鏡冠常正遠使將書字不
譌子美清晨開畫障樂天終夜却詩
魔自聞說到山中景轉覺便宜得最
多

便宜多處總無心城裏移居景更深
歲月有終還有始形骸何古亦何今
文峯雲起依危壑秀峴風回動遠林
我獨似知山下路抱琴時向夢中尋

送貞伯致仕

引去誰謀及故人買田陽羨遂成真
張公洞口終期我金母橋邊早置身
郡志續修知舊事鄉筵初會得嘉賓
百年風節人爭仰笑對秋波白髮新

送仲山使封鄭府

鍾鳴長樂宮丹陛列僊仗盛典欣復
行鴻臚曉傳唱國門洞開處使節親
手持千里覃懷地送遙車載馳於茲
建王國地亦稱四塞濟水流其南太行
峙其北周家為夾輔歲久惟親藩天潢
派不遠玉樹支仍蕃將命重分封宜
先司馬屬登高舊能賦美譽揚仕錄
臨別遥相贈清風歌穆如翛然堪比
德真不讓璠璣去矣尚無遲歸哉尤
勿緩兵曹有公事子復才不短季札
嘗適鄭行裝猶紵衣要知如今人垂
橐只空歸

次韻濟之招仲山酌別

偶值三旬隙堪償十載忙有官原是
夏此月豈無陽重過煙花市長驅翰
墨場不緣持玉節安得解銅章未去
須常會將來孰可量試看王子宅或
比鄭公鄉飲處誰招得行期已坐忘
園蔬從懶摘山果更高裝弄月當花
檻臨風泛羽觴細篁如客瘦獨鶴擬
人長使者新恩渥儒生故態狂陽關
莫先唱西出路微茫

答濟之謝送鶴

野人朝扣門抱鶴來特贈謂我有一鶴作配實相稱長揖謝野人爾言真可聽惜哉荒園名往歲已先定群鳥百不多我鶴一不少所以為僊禽何曾比凡鳥迎風或長鳴獨立殊矯矯其子不須和況乃是中表王子所居處旁有半畝園有園却無鶴雖美何足言呼童轉贈之入門即翩翩主人亦珍重視若鳳與鸞菴居數延致畜之勝乘軒客或告主人贈鶴意如何西鄰與吾子平日必不和豈不聞諺語不和勸養鵝養鵝人尚可鶴也食更多主人意不諾謂爾何善謔我生與西鄰自信不相惡千歲食已儲作詩謝送鶴

食蜀秫米飯簡濟之

碗面盈盈紅玉漿不妨礪硯塞空腸飢時信矣易為食珍品徒

然何足當朝士有誰食糲飯市人猶自號麤糧傳聞吳地今為沼一飽甘隨鴈鷺行

濟之和章有菜根滋味好之句復次韻

君家菜甕碧流漿飯熟應兼此下腸須是芥根新切稱未容槐葉冷淘當蘇松欲種無閒地陳蔡相從勝絕糧詩到却如青李帖朝來能博兩三行

夜讀白樂天詩集二首

何物燈前消夜長一編入手坐焚香俚言却許朱絃和真味似將玄酒嘗前輩任他為李杜近時知已得王楊楊君謙携此集從借從今謝絕閒賓客晤語惟容白侍郎

目眩天教放夜光詩題涉獵過千章屢逢禹錫兼元稹不到姑蘇即古杭老恣登臨年有譜病消歌舞樂無方看渠二事惓惓

說生死猶疑未盡忘

讀樂天詩有五十八歸來之句予明年正及其期遂次

韻

五十八歸來歸來未為速嗟我從去年已過六回六秋盡園亭
前衆葉錯黃綠豈不為渠笑此地乃種木舊業寄吳中有木兼
有竹幸哉同樂天我願無不足

王孟端山居圖

花落家僮掃獨遲山居幽興屬王維茅堂借宿如為黍不用主
人烹伏雌

招濟之觀吳穆寫竹

人家於此君一日何可無君家有此語千載不可誣我生所交
好不在五大夫培植力已盡往往折且枯吳郎玉峯產過我製

新圖寫真能逼畫墨汁信手塗折者忽焉長枯者忽焉腴此君
人欲見頃刻遂可呼聞君有高致子猷未曾徂游藝能屈已常
願為其徒就觀必有得背後勝臨摹當令墨竹派乃近在中吳
請君即上馬更勿煩僮奴

晚寢

土牀便偃息溫暖足能伸半晚連長夜三朝隔小春江南初到
夢都下未歸身猶賴閒松竹臨窗伴主人

次韻李賓之聞謝鳴治自南京歸得遺腹孫

乞身上章疏揮手返故園依依赤城路望見非里門恐負無後
罪行謀及諸昆鄧攸亦偶爾天道初無言呱呱者誰泣無子乃
有孫父考今何人敢任顧復恩幸哉北山梓延綿此孤根遂令
台南族宗祀宛猶存故人聞遠信喜劇向予論感歎至終夕未

覺詞語煩

服山藥湯

吾家王延亭人比鍊爐步王延久不裁亭名只如故客從懷慶
來老守轉相附土產細搗成楮橐絨且固嚴冬早朝時沸湯滿
甌注舉匙旋調飲何物是寒具空腹覺溫然卯酒真可吐或復
好飲茶損耗疾終痼惟此能補中醫家言不誤豈緣重服食衰
質合調護輕身與延年神僊非所慕此藥初得名宋諱不敢呼
更名仍加號本草為箋註後來陳簡齋乃有王延賦登亭須滿
飲名實始相副蘇公服胡麻說夢幾時寤

製雪浪石研

鼃磯千丈接蓬萊割取鰲髯帶海苔巧匠旁觀須利器書家常
用豈麤材輕磨玉髓難隨墨淨洗金星不染埃豈是蘇公齋裏

物只供清玩勢崔嵬

送楊君謙致仕

公署席未暖求去何嗷嗷濟河先焚舟預賣冠與袍我不更勸
子知子意殊牢昨者見章疏陳情欲長號謂臣心腹間有疾刺
如刀自宜鍼石惡不任簿書勞蒙 恩錫封典父母喜俱叨雨
露不知感臣豈如蓬蒿壯年可驅策正合從時髦臣實自知愧
素緣病相遭當道獎恬退幸爾遇山濤九重遂俯從孰謂天居
高郎官信美秩視之等秋毫未論子所能此足稱賢豪紛紛投
牒者群然赴儀曹其間或衰邁虛名尚貪饗如子真難得識者
爭嘉褒而我復增愧頭顱已霜毛歸心覺愈急如索更加絢子
歸免羈絆檻獸初奔迺回首不回顧跳舞向林臯歲暮多冰雪
長河阻輕舸河神不世情助子水滔滔舊宅傍吳市門前是南

豪性不耐居處志惟嗜游遨南指天目山誓將友猿猴歸來必
自得自樂斯陶陶發洩胸中奇文場戰當麀多事反自今筆墨
肯停操已忘虞卿愁且著屈子騷

章侍郎綸輓章

前星力輓不辭艱往事猶傳景泰間奏疏爭光須日月官曹增
重抵丘山鎬京天賜餘生樂浙水身從未死還千古姓名存
國史特書誰許後人刪

送李世賢擢南京祭酒

鄉里交游歲月移赤墀黃閣每追隨史家有事垂成日師席無
人獨去時太學賢關惟古制鎬京王業是初基廿年不踏江南
路天遣登堂奉壽卮

送張廷祥擢南京翰林

北闕重來從史事西江仍許慰慈容玉堂地迥神情逸金匱書
成寵渥濃星斗氣衝豐獄劔霜天聲遞景陽鍾瀛州獨步悠然
處喜見龍蟠第一峰

鮑翁家藏集卷第十九

詩六十三首

壬子春享詹事府齋宿

公署沉沉息此身齋居常感歲華新青松植立雙童子烏鳥喧
呼萬帝人金屋漸浮周苑日玉河能隔洛街塵曉來袍笏趨蹌
地擬候鍾聲出紫宸

郊壇陪祀次仲山韻

萬隊旌旗繞竹宮百官環珮步來同碧臺爛若中霄月紫殿冷
然半夜風庭燎晶熒光倏起洞門幽迥路潛通乘雲陟降神如
在共識天心鑒入聖衷

又次濟之韻

庭燎光中序立齊夜寒月到竹宮西星辰近與天堦接煙霧都

將海市迷韶樂九成來鳳鳥僊橋千丈臥虹蜺駿奔不省今何處但覺人寰景象低

慶成宴次仲山韻

日高蓄繖倚雲張久立真憐陛楯郎池上賡歌誇制作殿中列坐忝班行周儀未數三千說舜服親瞻十二章誰道曲終無以獻舞筵馴獸正踳踳

上元夜無燈

城中結綵共焚膏況說燈山駕六鰲彤影相依聊復問鬢毛如許不勝搔林梢每歲春星正屋上誰家海月高五十八年真老矣安能游戲逐兒曹

邀潘侍郎為同鄉會

潘先世為長洲人後徙歸德

束帶門前早肅賓瓊醪畦韭及新春偶成洛社耆英會得見

都里巷人座上素懷叨末契朝端清德重純臣浩歌激烈聲華和醉後相忘意更真

送嚴戶部出守西安

出守何曾為一麾山公高薦久相知漢家輔郡先京兆唐世才臣重度支極北朝廷通奏疏終南堂紀入歌詩他年廳壁題名姓誰獨令人有去思

送顏仲和擢南京翰林檢討掌國子助教事

先生自此升何處宵監于今在鎬京老學共推師道重新街仍繫史官清唐家高館猶三舍漢代諸徒豈兩生不用朝天時早起青山隔屋自鷄鳴

謁文信公祠

當時正氣亘乾坤忠義誰將宋史論宋史公與陳宜中同柴市傳不預忠義之列

宜為南向象崖山應有北歸魂已酬鄉里晞賢志能報朝廷養
士恩一讀六歌人便哭天教遺墨燬無存海虞錢氏藏公六
歌墨蹟近燬于火

過仰山寺觀姚少師僧服小像

城裏曾廬揭仰山姚公于此昔投閒顧瞻圖畫長廊外拂拭塵
埃破壁間困虎封侯頭可相袁廷玉相公
為困虎形真龍識主手親攀朱
衣玉帶宮師貴最愛跣趺靜掩關

傷鶴折翼

名繫東園最所憐竹闌葦室更教編多緣湫隘清風少却使襪
襪白羽偏屢舞安能重按節一飛無復獨冲天不妨翹足長看
院有食仍須致汝前

盆梅紅白二色二月盡始開

燕山何處識天寒細蕊初開春欲闌之子莫將桺葉詠有人真

作杏花看素姿似是畱晴雪冷艷分明綴渥丹縮取江南地來
此暗香浮室勝芝蘭

慰濟之謁陵遇風

中元每多雨長至或多雪兩雪兩不多獨有清明節一年最好
是清明欲將公幹作私行黃沙眯目開不得却恨前年不出城
風來力如射狐裘向誰借寂寞沙河旁杏花定先謝大風作題
思往時馬上掩口猶聯詩請君試拾錦囊底傳向詞林亦一奇

三月八日冊立 東宮志喜

仗內司晨始報辰几行大禮司晨例報卯時
今冊立時用辰因以辰報連班袍笏侍群臣

青宮載啓依黃道金冊初頒出 紫宸率土盡知顙望滿前星
逾覺瑞光新御橋微雨歡聲動 恩詔傳宣聽未真

濟之招看梨花復次往年賞桺花韻四絕

強把花容比太真樂天詩句亦凡塵誰嫌小適園偏小賸貯人
間一段春濟之近名其園曰小適

張谷遥遥忽返魂徒聞桃李在公門三年不到園中去猶喜看
花眼未昏

菴居清曉為誰開有客城西躍馬來莫怪狂風偏拂檻也知晴
雪不粘苔

倚闌揮翰帶微醺錯認羊欣白練裙記取一株全放處從前廿
日是春分

題竹送沈尚倫刑部使安南

隱侯標格如圖畫使者清風動節旌萬里交南何處去清風一
道過湘臯

送陳堅遠通判長沙

黔陽為令久德政邑人傳復佐長沙郡誰求建業田慈祥民可
近文雅弟難賢舊路行應熟湖風自引船

次韻無錫李舜明見寄二首

樸學無能漸白頭荒田稊稗尚無秋久懷晦蹟真成隱深愧虛
名強見收幽夢有時過惠麓故園終歲奇長洲涼風欲送扁舟
去還許寒氈坐客否

惠麓雲深有臥麀幽栖能避洛京塵詩名早擅如唐室禮法全
疎豈晉人泉落空階消溽暑鳥鳴深谷度青春舊聞人說山中
樂廊廟誰論秉國鈞

為陸文質題夏以平太常山水

崑山夏公官太常手寫墨君能擅場豈知華亭別有夏公者山
水落紙深而長鳳池退食多佳興閉戶松陰還滿徑小筆能將

淺絳施雲裏峰巒隱危磴深林少行客中有瀑布清仰面見高
寺澗底似聽晨鐘鳴國醫陸君素善有聲畫自拂京塵當寓舍
臥游三泖九峯間溽暑連朝喜清暇

病臂諸友過慰

長夏條然一病身案頭藥裹自相親幽居却似偷閒者高臥翻
成避暑人能笑口難教獨閉無名指復倩誰伸園亭坐久無延
欸詩卷棋枰取次陳

病中簡濟之

病瘍憶前時幸枉一胥晤喜來下堦迎不于非故步今者得未
疾其狀已似痼只尺不相聞何況數里路雨過籬落間延受豆
兼瓠溽暑行將徂節序忽驚悟旭日上短牆昏昏睡方塘
強一編落袖驚宿蠹有客過我門投刺首不顧諒非心知人象

曲向誰訴

閱原已書札

斑斑遺墨宛如新安得交親更此人信矣行間渾茂密條然物
外最清真世家傳菊根初斷公署聽鶯語自頻南京太醫醫院原
已作聽鶯軒
扶病王延亭上坐槿花殘照獨傷神

題朱竹慶玉汝母宜人九十

姚城一水連席墟中有陳氏之宅居壽母行年問何如始生之
辰是國初誰云頭上白髮疎翟冠高戴猶勝梳大帛一疋裁
衣裾恐是手中自織歟仲也已荷大理除不勞在家扶板輿丹
山紫鳳啣天書低徊下舞兩翼舒翩然湖上驚游魚羽毛變化
心獨虛壽筵風回響珩珞以葉作酒筭作菹僊家丹藥勿復儲
食此壽可于歲餘

紀賜枇杷

吳船入貢沂江濤分賜儒臣幸此遭臥病謾思新橘柚退朝休
賦舊櫻桃珍奇未惜初加惠淺薄無能莫效勞箬籠曉來傾瀉
處金丸錯落駭兒曹

送王警之還洞庭

濟之兄號安隱

洞庭山脚倚高樓歸夢分明遶十洲春草池塘懷故事夜堂風
露感新秋深林結屋能安隱遠水擎舟豈好游士行百年兼孝
友入門還慰老親憂

懷濟之

時赴南闈主試

東銜良會正愁稀况復秋來重久違已向朝辭 此闕預知
多士候南闈祖筵莫聽驪駒唱驛棹遙瞻畫鷁飛試擬還朝何
日是都門應見雪霏霏

題陳一夔憲副小象

時初擢湖廣副使

獄事能平合受褒詩家人物在刑曹平生志量松江小此去聲
名石廩高

為陳一夔乞免

古詩三百篇于兔言何煩其名因以識一編舊曾繙此物性特
狡穴處異於狢君家能畜養孰謂其爰爰豈亦遇犬獲躍躍
其蹠不然向君投繫之忘救援缺口今強食肯樂籠與樊嚙突
求逸去有如橐鼠喧其勢必死枉殺應啣冤東城幽僻地早
已闢兔園登登版築勞亦復有周垣册子不遺下挂角非烏捷
此物縱其內長樂草木蕃踴舞適野性何殊在郊原園中有一
鶴愛之不乘軒飲啄得伴侶上下共奔騫及此月將滿吐生子
當繫君昨過我飲許贈偶有言便須速抱送不至休如膳幸勿

苦疑我意在炮與燔

次韻秦廷韶布政閒居感興四首

有災或無妄有譽或不虞仕路分南北泣下非楊朱人心自能保九夷亦安居錫山翠如削此地真吾廬

漢臣獻忠謀朝衣蒙首領惜哉晁氏危我負非孝景物望歸謝安世務識王猛出處非其時中心亦當省

侏儒僅三尺強倚高墻窺不見室家好妄論非所宜宣尼若歸魯其行肯遲遲西江水清澈照影無忸怩

逝矣柴桑翁千載不可作載歌歸去來上下仍丘壑人情信寡諧天命真足樂望望梅里煙人家滿村落

記園中草木二十首

槐

東園憶初購糞壤頻掃除墻下古槐樹憔悴色不舒况遭衆蟻折高枝且無餘愛護至今日濃陰接吾廬數步已仰視偉哉鉅人如非藉此蔭庇誰結幽亭居立為衆木長奴僕榿與榆

榆

始我種三榆近在亭之左西日待隱蔽陰成客能坐七年長漸高密葉已交鎖生錢聞可食貧者當果茲其一忽憔悴嚙腹緣蟻螺持斧欲伐之材未中船舵榆性堅可為舵藤蔓方附麗不伐亦自可古人無棄物守圃嘗用跛

榿

讀詩識其名誰謂材無用西戎每度河此木能載重所以人字

之一名西河柳豈在作梁棟兩株倚東籬計亦七年種相對垂青絲

鷲地來二仲

棗

荒園之佳果棗樹八九株纂纂爭結實大率如琲珠此種味甘
脆南方之所無日炙色漸赤兒童已窺覷剝擊盈數斗鄰舍或
求須早知實可食何須種檉榆此木頗耐旱地宜土不濡所以
齊魯間斬伐充薪芻近復得異種攀拳類人拘曲木未可惡惟
天付形軀良材却矯揉不見芻與孤

檉栢

檉栢性相似安論不同形城南久移植用以護幽亭檉也漸生
粉栢兮復垂鈴幸非兩石間自足全餘齡古槐雖老大秋到即
凋零園空霜雪冷見此獨青青

槿

南方編短籬木槿每當路北地少為貴翻編短籬護要知一物

耳貴賤以地故夏末葦纍纍生意含曉露花開亦可觀別種更
相妬獨憐一夕間顏色已非素葦多固應爾此理真自悟不見
萱草花開落只朝暮

榴

團團復亭亭園子巧相競都下朝千盆花市此為盛我獨解其
縛高枝遂其性參差花更繁緋綠錯相映安石名已蒙休從謝
公姓

竹

翛然數君子落落俱長身東家每借看步去不嫌頻移栽幸許
我已自前年春自我得此輩園居豈為貧但憂積雨霽日暴少
精神終然勤灌溉枝葉還如新因茲悟為學龜勉在斯晨

丁香

丁香

花開不結實徒冒丁香名枝頭綴紫粟旖旎香非輕乃知博物者名以香而成或者樹相類惜未南中行初栽只一榦肥壤枿爭萌分移故園內不知枯與榮終當問來使亦欲如淵明

馬櫛榔

有樹吾不識人云馬櫛榔櫛榔產南海結實因瘴鄉平生冒其名豈亦如丁香白花細而密實甘翻可嘗其葉與麻同沃若澤且光麻馬音或譌欲問郭駝亡

刺藤

刺藤發長條叢生類著草每記衆花開此種開獨早南方色多紅黃色見者少但嫌易零落蜂蝶食不飽由闌強避護童子日必掃花落當復開豈似主人老昔枉詩客來覓句步頻繞載誦成感傷誰來慰幽抱

刺藤

刺藤有數種同名而異字花開欲折難銛鉤如棘刺白者榦獨長紅者香更賦種之小徑旁所恨宵衣袂挿竹加編縛步障差可類石家金谷園恐乏此佳致

葵

託身北墻隅幸免人所踐苗長已過墻入土根不淺葉間蕊何多澱澱滿圓壘此種覺尤佳觀者盡云鮮傾心識忠臣衛足存古典作羨諒非菜名同亦須辯

決明

黃花隱綠葉雨過仍離披不為杜老歎未是涼風時服食治目皆吾將采掇之不須更買藥園丁是醫師

黃連

花細山桂然階下不堪嗅野人斲其根根長節應九苦節不可
貞服食可資壽其功利於病有客嫌苦口戒予勿種茲味苦和
難受豈不見甘草百藥無不有

紫芥

惟芥本菜類秋深掇而藏此種乃野生已向春初長紫花布滿
地葉嫩亦堪嘗氣味既不辛却與芥同行北人無不食木枿與
草芒入盤以油和齒頰流肥香

馬藟草

疑疑葉如許豐草名可當花開類蘭蕙嗅之却無香不為人所
貴獨取其根長為帚或為拂用之材亦良根長既入土多種河
岸傍岸崩始不善蘭蕙亦尋常

朱藤

孌孌數尺藤往歲手親挿西菴故短簷藉爾兩相夾歲久終蔓
延枝葉已交接有花散紅纓有子垂皂莢赤日隔繁陰偃息可
移榻但憂風雨甚高架一朝壓霜雪却不妨忍冬亦藤名共經臘

牽牛

本草載藥品草部見牽牛薰風籬落間蔓生甚稠繆誰琢紫玉
簪葉密花仍稠日高即稔歛豈是朝菌儔陰氣得獨盛下劑斯
見收便須作花菴誰與迂叟謀司馬溫公獨樂園有花菴公自註以牽牛瓜豆為之

蘆

江湖渺無際彌望皆高蘆蘆本水濱物久疑平陸無移根偶種
植溝淺土不污縱橫忽徧地葉卷多段莖白花可為絮長幹須
人扶每當風雨夕蕭蕭亦江湖宛如扁舟過榜人共歌呼浩然
發歸興豈為思葦鱸

八月十六日夜對月簡仲山仲山以十四夜携酒過飲值天陰

秋色平分昨夜過纔看月好淡星河海東游氣消俱盡天上清光減未多有酒却嗟無客共新詩其柰故人何欲知勝得人間景超勝樓頭對素娥

送蕭文明致仕東歸

瑣闥忠言奏疏間炎方三轉到閩山北來未慰諸公望東去空驚疋馬還獨振衣裳臨潞水好修書札過榆關海濱自昔曾垂釣須信任公久好閒

送秦廷贄副使

萬里遙瞻貴竹行九重垂念遠人情崑山片玉渾無價畫省清風最有聲杯送夜筵歌宛轉棹移秋水擊空明臬司不是投閒地莫過長沙問賈生

送陳一夔調瑞州同知

古筠南去興飄然僕子詩囊早在肩莫以瑕疵論白璧不妨顏面照清泉秋江直入吳中路春樹遙瞻渭北天壯志未衰功業始尊鱸誰愛味新鮮

次韻朱天昭御史自嶺南見寄

強比蚊山力不堪刑書軍政喜能諳鄉心莫繞三江上風裁爭瞻五嶺南都下乘驄傳故事臺端着豸憶新銜秋園嘉話來年續海月依然在小菴

送周侍郎伯常使封秦府

使節遙持路幾重大藩西去又分封二南風化猶周召四塞山河豈邨鄙專對不勞看數馬舊游多喜憶乘龍伯常少婚于陝西雲間僊掌應招客須為題名太華峰

題周仲瞻藏綵繡花鳥

越女染絲成五色隔窗未學秦川織鮫人水底夜不眠乞與冰
綃纔數尺洛陽名花舊譜傳品第已無天下敵妙手能收後素
功畫苑群工空歎息珍禽入貢從嶺南長羽淨掃花間石金刀
莫遣斷其尾高格豈是雄鷄匹顧影我我見冠幘日午畏寒交
錦翼媿黃魏紫雜鞞紅頓覺春風價增自古來觀象聞虞皇絺
繡分明有六章女紅相習來亦久一日燦爛懸高堂周卿得此
朱雀航施朱傳粉皆尋常寸心欲效仲山甫獻入明光補袞裳

匏翁家藏集卷第十九

匏翁家藏集卷第二十

詩五十首

與周公載運使會飲追和往歲所寄述懷韻

京邸當年客馬周如公相見未輸籌登名早為唐科喜流涕長
懷漢室憂煮海功多成國計肆筵情重雜時羞只今公道知猶
在幸值明時豈陟幽

楊補之竹枝

補之舊擅梅花手忽向人間見竹枝數葉條然書法在此中惟
許晉人知

讀濟之南都紀行詩

長卷親書截剡藤調高欲和却難能燈檠夜靜頻生地硯沼冬
深始結冰舟入龍潭輕一葉屐回龜嶺歷千層句中了了江南

意為憶登臨我亦曾

謁元世祖廟

百年中國乘衰運萬馬臨河度幹難魯史會戎猶甚謹燕都稱
帝亦偏安冠裳已敝塵埃積俎豆雖陳棟宇殘零落御容茅屋
底居民只作羯胡看

送林世調赴湖廣參政

已愛超遷愜所推不知清議尚嫌遲省中公事方多日席上同
年漸少時西控早成持檄夢世調先夢持檄有西控巴蜀之語南行兼慰倚門
思春來舍館渾如舊荀氏于今更有慈弟世南祠祭員外郎

元夕雪

已愁冬煖欲聞雷雪落燕山幸此回陰滿同雲連紫禁色欺明
月映瑤臺六花總向早春放一尺不須平地堆況值元宵好風

景萬家歡賞共傳杯

十六夜邀仲山濟之禹疇飲

雪月交輝歎未曾寒生硯沼見春冰年將六十應推我地比西
南已得朋坐久市燈無一盞飲殘官酒只三升山陰回棹真堪
笑此夜分明興可乘

送陸全卿巡按福建

豸角冠高近赤墀身依霄漢立多時 天威瞻仰承新命王事
咨詢訊載馳人好不憂風裁少地偏難使德音違行行却與吳
門便繡服登堂奉壽卮

錢舜舉仇書圖

斑衣繡袴紅錦絛眼中嬉戲皆兒曹三兒仆地地着尻紵臂扼
吭力與鑿風旗破偃失所操篋笥所有藏不牢一兒傍睨髮兩

鬣獨抱書卷不忍拋就中此子差獨高
雲川老錢真畫史意匠經營妙如此
嗟哉幼而不孫弟閱墻之事從茲起
請師教兒讀曲禮

送姜恒頰改守寧波便養

漢書舊說河南守未許吳公美獨專
奏疏屢陳容便養官階無改勝喬遷
地連越嶠仍持檄家在婁江好放船
從此升堂了公事夜筵春酒樂高年

廷試東閣閱卷

紫雲垂戶結春陰坐接群公奉玉音
薄識未勝甄別事長才俱罄對揚心
六官供給珍羞滿常侍奔趨禁闥深
漢代賢良遺制在披沙應喜得兼金

赤壁圖

西飛孤鶴記何祥有客吹簫楊世昌
當日賦成誰與註數行石刻舊曾藏
世昌綿竹道士與東坡同游赤壁賦所謂客有吹洞簫者其人也

趙松雪蘭竹圖

鷗波亭上春風筆秀色翛然共一丘
頭白江南真想見幽蘭叢竹帶桑洲

送吳禹疇赴廣東兵備副使

辭朝初下大明宮臬事都歸玉敕中
繡服遠巡兵衛繞戈船閒泊島夷通
天常作雨連重嶺海不揚波少颶風
却羨宦游親友在公餘應喜一尊同
時仲山初擢廣省

送施克寬太僕守思州府

十載周家有僕臣喜承新命駕朱輪
豈無輔郡勞賢者須信宸衷念遠人
山下行春綠草樹天中入夜望星辰
煩君莫改巴陵

政遺愛今猶在楚民

文湖州叢竹圖

湖州去世六百年尚畱細竹翠娟娟縱橫散亂如蓬賤豈是坡
僊詠漢川兩崖脩影何處見石罅百折流清泉泉鳴竹響合虛
籟我欲拄杖聽泠然

送仲山赴廣東參政

久從夏官卿分署專典選莫府累上功鑒別殊不倦吏胥服精
疆察案推老練以茲績屢書有最却無殿屬當黜幽時諸省多
獲譴山公重人才啓事遂登薦御批由論定豈藉氣力援參政
三品官後世號方面坐鎮惟大藩宣化及州縣孰云嶺海遙炎
蒸少霜霰民物誇繁雄此地今甚善米粟出要荒賦入同禹甸
公田況早收積蓄總饒羨已不煩催科況乃免鞠讞中年始入

廣身已脫俗諺鯨波就非涉浮海亦乘傳章服耀金緋真不忝
恩眷公餘適清暇發篋得詩研山川有諸奇題詠語頃徧此行
信堪喜更喜過家便十載別吳門親友幸相見衣錦當書行
璽書因爭眩行哉不可緩我獨重戀戀平生託心知故舊莫予
先都下常合并秋社異鴻燕時枉過園居辨折啓文卷海月故
延畱盤蔬雜藜苒往往入夜還行歌共群彥孤懷今何如誰復
容鄙猶久旱得微雨南風特狂煽城東大道傍樹暗時節變嚶
嚶求友聲黃鳥聽百嘯臨別心惘然舉酒未能餞

癸丑閏五月十四五日久旱大熱十七日得雨始解偶
閱王荆公集首卷見二詩頗合乃次韻以寄濟之

氣候殊非常地不限南北不知人間世何地獨清寂炎風晚逼
人背坐時屏息遙思凌陰居須用冷淘食清晨頭未梳終夜汗

猶拭歐公賦病暑徧誦句難摘

好風從東來長夏適吾適故人不相逢豈謂一墻隔向來旱太甚土燥憂地坼暑氣何可當對案曾廢食一雨洗焯煩人情俱有獲夕陽寫脩篁庭際開畫壁披襟納涼思虛館聊憇息積水溢清池疎髭照能白

連雨再次前韻寄濟之

脩篁在池南朱藤在池北置我于其間翛然轉幽寂雨絲密復疎其勢當未息農家望粟賤安坐得飽食再和彎碣篇端溪已新拭泚筆何處書圓荷手親摘

青林鬱然深東望懷小適

濟之名園

冒雨定不來共月却相隔危亭

昔再成池涸岸如圻何況舊井泥莫汲寒泉食安知庚伏天乃有此厚獲水流聲滿池屋漏痕在壁朝回無一事僮僕猶偃息

葦間瑩然明老鶴羽偏白

倪雲林秋林野興圖

經鉏堂前木犀黃何人晏坐問天香迂翁胸中有清癖欲摘繁花歸枕囊秋林野興圖親寫百年零落燕都下市門不遇杜長垣殘墨誰將手重把

次韻為王應爵進士題天平山石湖二圖

萬石如林貌得真縱橫碧潤共蒼岫城中拄笏須閒客林下峨冠有正人支老鄰居馳駿馬范家先墓倚危巖峴山未必高如許遺愛當思繼晉臣

時應爵初除上高令

古亭石刻手曾模宋墨當年記石湖絕澗百盤橫略約晴波九級蕩浮圖開園種樹山為界放水灌田天賜租重擬四時編雜興范家莫認是堯夫

送張叔亨出巡雲南

曉承天語五雲低，真覺香煙滿袖攜。
南詔遠人勞按治，北畿多士憶提撕。
久看桓典乘驄馬，未信王褒祀碧雞。
應過滇池詩興滿，不妨揮筆製新題。

送朱堯民

連雨起涼颼，新秋迎溽暑。匆匆即言旋，晚共園亭語。
泥淖一尺深，驢車在郊墅。路人勿相疑，不是從選舉。

送陳宗理知永定

為愛君家世，先朝有直臣。急除官未晚，小試縣猶新。
地遠能馳譽，才長却稱身。熙然山谷底，騎馬徧行春。

早朝

晨雞初唱攬衣裳，城闕遙分見曙光。
耿耿長庚帶殘月，迢迢行潦接汗潢。
橋頭雨過添新水，蘋末風來送早涼。
自笑江南未歸客，廿年騎馬入朝忙。

送戴師文參政

雄藩瞰南海，富庶冠諸州。稽古建方伯，參佐須名流。
戴君本台產，早為賢科收。兵曹善裁決，可與姚崇儔。
況乃飭文墨，士林名不浮。冢宰始高薦，夏官難固畱。
惜哉重末務，無能為國謀。邊徼偶多事，方勞九重憂。
玉關度羽檄，未解小邦仇。又聞古靈武，胡馬滿山頭。
兵技彼或短，將材此誰優。山川有險易，地利更當求。
坐見萬里外，須煩人運籌。幸君年尚富，仕路廣且脩。
朝廷愛人才，巖穴猶當搜。有才如君者，豈置南海陬。
暫去勿復顧，蠻方候回輶。

郭熙雪浦待渡圖

宋人能畫非等閒郭熙絕藝如荆關御府收藏三十軸玉堂猶
自遺春山橫圖若此纔數尺春山相逢應厚顏北風怒號振平
野巖石吹墮林柯鬱望中慘慘皆雪意飛鳥未倦爭飛還何人
剪冰作六出山上陡失千青鬢渺然上下同一白但見空林楓
葉散流泉不流凍作滴豈似雨過聽潺湲群猿入洞失連臂文
豹藏窟無一斑須臾坑谷盡填滿萬頃蕩漾仍澄灣野航載客
遙在望舉手招呼急欲扳冰花粘棹行尤澁雲低落日懸孤環
往來浦口屢涉險未識舟人心孔艱擁裘馬上莫相笑山南捷
徑非人寰

范寬雪山圖

華原范生性落魄太嶽終南雙草屨酒酣握筆發天真無奈胸
中飽丘壑開門仰望青嵯峨誰遣紛紛雪花落前峰後嶺失峻
嶒何處移來千玉璞良工袖手琢不能此語分明非善謔長溪
一夜冰梁成山足潺潺垂短瀑風回木落罔巒空遙向林端見
高閣興來便欲扶筇行去倚危闌招獨鶴人間此景却輸吾寒
士多年甘寂寞

趙大年春江圖

密林蔽日青蒙茸兩岸都歸煙霧中分明審畫溪頭景只欠垂
綸一釣翁釣翁莫放扁舟去沙上鴛鴦方好睡落盡桃花人不
知夜來細雨春流賦

楊補之雪梅圖

竹外斜枝凍雪乾楊翁風度亦酸寒扁舟穩繫吳山麓須向石
湖深處看

王澹游歲寒圖

後有王叔明跋

脩竹風回玉珮清松聲相和紫鸞笙北人不識梅兄面莫怪王
蒙說手生

錢舜舉水僊花

種盡芳根花不發雪翁筆底忽生妍人云須向水邊種始悟花
名是水僊

次韻題畫

木葉下回溪依然見山影高人為尋詩不畏溪頭冷日落雲初
還鳥鳴林更靜占此一壑居人生非不幸

謝吳承翰送悟道泉有序

成化己亥春予偕李太僕貞伯游東洞庭山宿吳鳴
翰宅明日偕過翠峰寺寺有悟道泉飲之甘美相與
題詩而去今二十年矣一日鳴翰弟承翰使人昇巨

甕以泉見餉予嘉其意以詩謝之於是大僕公與鳴
翰皆物故矣

試茶憶在廿年前碧甕昇來味宛然踏雪故穿東澗屐迎風遙
附太湖船題詩寥落憐諸友悟道分明見老禪自愧無能為水
記徧將名品與人傳

姪奕勺泉烹茶風味甚勝

碧甕泉清初入夜銅爐火煖自生春
區舟楫來何遠陽羨旗
槍淪更新妙理勿傳醒酒客佳名誰與坐禪人
洛陽城裏多車馬却笑盧仝半飲塵

東坡樂水圖

右手按膝左手戟長帽不着豪氣溢此公豈是尋常人
眉山秀
出文章伯擘開青峽噴玉泉石罅百折猶轟然山中自當一部

樂何用嘈嘈嗚管絃惠州飯飽渾無事羅浮之西山崛起白水
雷題屬此公萬里來游天所使黃衣翛然戴小冠水樂回為杜
牧看圖中不是程正輔方外當為鄧守安

元人陳惟寅有蘇杭懷古詩各六首予以杭米至而蘇
事甚多總和六首

自古繁雄地駕言游且行載瞻至德廟容象宛如坐回塘入古
訕一水仍前橫

胥山高百尺勢抵越王臺越今在何許溪名猶越來當時艱與
種齒骨亦浮埃

五噫歌不作葬近要離墓耕夫戒揮鋤忍使墓碑露更念臯伯
通徘徊不成步

壯哉重瞳子叱咤人如無子弟八千人渡江惟一呼英雄安不復

返吳門空夕蕪

南昌有一尉官卑同抱關獻書論時事能動天子顏市門卒何
賤高風香難攀

王珣開別墅林石冠吳都安知歌舞地梵唄託浮屠居民祠短
簿櫻肉多神鳥

沈石田追倣黃大癡長卷為林御史舜舉題

大癡道人顧長康平生癡絕仍畫絕長卷當年我亦觀大畧猶
能為人說山川歷歷百里開彷彿扁舟適吳越平林曲岸客共
游複嶂重湖天所設漁工樵子互出沒定有高人在巖穴墨瀋
淋漓拾未能信得畫家山水訣為人說此亦徒然把筆安能指
下傳對本臨模未為苦運思想象誰能專晴窗設色手自改輪
與吾鄉沈石田

次韻韓彥哲州倅促予作生墓志

面辭天闕向南歸，落落晨星故友稀。人比荊州今即是，年過蘧
瑗尚知非。舊施美政，爭傳播，預恐蕪詞少發揮。表聖達，生真不
忝壽筵，石表定生輝。

為奎姪題石田雪景

瑤林依石斷雲攢，雪後西山更好看。憶向越來溪上過，梅灣玉
削數峯寒。

次韻石田七十自壽

壽數長期百歲零，試看把卷眼明星。未誇共仰人如斗，尚憶初
生歲在丁。宅近江湖雲際白，天寒松柏雪中青。北堂自獻長生
酒，不愛嫦娥藥最靈。

煬帝龍舟圖

畫棟重重半空裏，殿脚誰云在平地。洛宮送載到蕪城，試看龍
舟浮綠水。錦帆高挂起春風，恍若江神備驅使。萬歲千秋樂未
央，左右何須奏封事。當時殷鑒有陳家，親聞玉樹後庭花。流連
豈在宴安日，荒惑昔者先萌芽。渡江伐罪豈不見，悔殺井中張
麗華。邗溝迢迢幾百里，暮雨蕭蕭楊柳斜。惟餘尺許龍舟樣，畱
與人間說隋煬。

匏翁家藏集卷第二十

匏翁家藏集卷第二十一

詩四十九首

西齋前作步廊三楹奕姪種紫竹數竿于前因名紫筠
詩人自昔詵長亭匠氏何勞檢木經白板也須存古制紫筠聊
複製新銘苔痕漸上階還登月色無邊戶不偏携向江湖風若
利吳歌唱動便揚舲

補送艾郎中使朝鮮次韻二首

天高廣樂奏清都日近金門動玉樞當代使規應在橐古人王
會已成圖誦詩專對須郎署秉禮相傳自海隅東去莫論窮八
站喜無烽火照長途

前星光動詔頒時賜服煌煌稱漢儀久愛姪崇裁滯事又
看陸賈製新詞歸循山海旄垂節步上星辰履飾綦鴨綠江頭

誰擊鼓曉來相送有馮夷

題昆山朱氏所復王明梅小畫

存復齋中此一毫楚弓亡去更誰橐摩挲故物仍三歎不為朋
梅意匠高

題許道宣秋山暮靄圖

遠山近山翠浪傾愛此萬疊秋初晴已多浮雲巖下宿只有暮
靄空中生草樹紛紛縱復橫風回落葉填磽坑哀猿啼處日將
暝谷口不見樵夫行重洲複渚望不極漁舟獨出沙鷗驚三山
二水昔人句彷彿當時登石城何如攢蹙尋丈裏一日千里當
前呈畫家意匠勞經營墨氣濃淡皆有情平生見此真有幾不
負長安許道宣殘山豈合堆馬遠寒林亦宜矜李成世間神品
吾所遇沈老舊藏高克明一圖作配實相稱品格豈待宣和評
嗚呼人言名畫真是名一笑頓覺千金輕

過先坐登南橫山絕頂時表弟吳子高姪奎奕兒子奭
奐侍行

南山翠色與雲齊萬級登登石作梯水入太湖紫白練樹依重
嶺簇青藜雖鳴麥壠聞田雉角解松林遇野麀日暮載瞻瑩域
近 恩光新沐首頻低

文宗儒蓄匏研借觀數日宗儒以其制與拙號合遂以
贈予研額刻元豐二年及晉齋學士四字印文曰李洞
身垂苦葉入秋肥紫玉分明滿一圍遺物未亡殘墨少舊銘猶
在昔人非固辭莫怪還終受久假安知遂不歸應念老夫同氣
味百年文苑幸相依

聞啓南有匏研更古次前韻

平生端為飲泉肥几格惟憂筆陣闕忽見銘文真偶合向來形
製却全非空囊得爾復何望文苑微斯誰與歸莫道我心猶可
轉石田有石樣還依

題啓南寫緋桃圖卷首題石翁樂事四字桃作六出有
議其誤者予因解之

石翁樂事嗟何事終日春風繞筆吹寄語看花人仔細緋桃千
葉半開時

題元人任本立墨竹追次虞邵菴韻

籊籊猗猗竦而立豈讀衛風名始識倏將長身記水墨放曠似
嫌依六逸臨風首肯對以臆謂我此言人莫敵歲寒雅操從少
習玉版禪機尤秘密毛髮蕭蕭垂紺碧湘江新沐如膏濕鷓鴣
日暮啼且集任公東海登釣石高竿未研礪雲日運思正慰王
猷憶深林溟溟煙雨滴風動仍聽無孔笛湖州已遠休物色薊
丘無復齋名息百年筆法尚能傳篋中喜為鄒陽得

西溪舟行二首

溪上扁舟隔月來農家風景稻齊栽石湖正接鮎魚口芳草又
生麋鹿臺越國深謀當日得吳宮遺曲後人哀每當懷古傷幽
抱日落靈巖首更回

清曉農家始荷蓑一篙初試水痕多亂山遮斷疑無路長岸回
旋自有河休縛草龍依古法徒聞秧馬作長歌船窗欹枕初成
夢却報荷花蕩已過

久旱得雨 五月九日

夜深涼思入衾裯一雨俄為五月秋庭下畫將瓊甌覆岸頭初
見桔槔收謾添城市兒童喜深慰山鄉父老憂擬效石湖編雜

興閒居豈獨為身謀

五月十三俗云竹醉日種竹叢桂堂前時舊竹俱亡醫俗亭亦撤去擬別構數椽名之曰復竹

東園不見綠紛紛二十餘年別此君健僕荷鋤乘醉日老夫攜枕欲眠雲遠支散處憐無恙舊記猶存愧不文擬向牆陰結低屋楣間題字是云云

晚晴

浮雲自解散空中無所依草樹總欣悅沃若生光輝螻蛄似相語鶉鳩忽低飛虛庭亦何有新綠生苔衣倦來聊自釋柔翰初停揮細詠柳州句千載人已非慨慕至終夕世豈惟陶韋

夜坐

伐磬一何促擊柝一何遲夜景坐來寂流螢自參差片月不常照浮雲相蔽虧葛襟滿涼氣伏暑無炎曦坐來欲歛席微雨猶絲絲良夜豈不愛耿耿如有思出處有道在行止非人為惟應乞身後終年守茅茨

西山雜興七首

效范文穆公

岸頭偶遇種瓜翁為說瓜田可免窮瓜到熟時錢易得只愁螢火作蝗虫

橫山西麓見山農為說山田最害儂一畝猶輸糧七斗何曾囤裏蓄冬春

小戶無田糧最慳從來戶內只荒山一升舊額加三四割盡茅柴難補還

老農頭白種山田不識山中有蕨拳苗可作蕘根作粉何為忍餓度荒年

手持長鍾背攜筐日出深山斲藥忙不為延年資服食賣錢買
米納官糧

海上風來偃綠楊城中人喜夜乘涼不知農父芸苗處只愛田
間水似湯

雨勢如傾水滿塘旱田能救是高鄉明朝還用晴乾好恐使低
鄉告水荒

叢桂堂前看月有感 七月十四夜

廣庭新斲石壘纍偏與秋來看月宜涼氣故延今夜坐清光不
負古人詞小山叢桂含香待流水清蘋逐步移來歲未知誰在
此西家長笛莫教吹

後夜無月

月向圓時正好看浮雲入暮故漫漫陰晴明日真難料用舍平

生只自安天上無人凌倒景海東何處溢清寒虛簷不礙長松
樹獨坐胡牀到夜闌

為盛舜臣題山水長卷

城西蕩雙槳遙背伍胥門人家枕河住漸喜歷鄉村豁然見平
田農夫荷鋤去好風低嫩苗微雨灑高樹葦間多放艇柳下或
扳罾錦布芰荷蕩沙明鷗鷺汀魚梁接牛宮沽酒新郭市迤邐
到橫塘虹橋垂四趾亂山似遮路旋轉自長溪水入太湖北雲
生光福西扣舷唱吳歌有客中流過千載懷古心悠然欲相和
香徑既云沒琴臺亦成空山頭明月上仍照館娃宮登高信徒
勞望遠發深喟開展圖畫看舊游一何類

次韻石田戲朱野航短視

石翁目如炬下見淵魚沉么麼蠅頭字夜讀成書淫作詩調朱

子譬如火爍金又如白日中光燭孤雲陰其詩信善謔當於古
人尋嗟彼盲者病遇人惟聽音其病最所苦畫地不及音雖然
苦若此樂師能鼓琴朱子却差勝矐子職自任使見素服者何
曾謂青衿惟恐醉生花酒至戒滿斟砭砭手所抄書卷徧詞林
平生臨池興墨氣識淺深時復瞑焉坐雅思發孤吟要知視短
者反視惟求心

叢桂堂前五詠

梅

冰雪難為厄多緣虫所傷園丁莫醫治試檢郭駝方敗葉頻飄
砌彎柯強出牆誰嫌花寂歷還解吐寒香

栢

細數先人植依稀六十年狂風莫能拔撐壁尚危然日午影猶

側霜多皮更堅平生藉依倚白石幸相連

櫟

櫟社異茲種如何身類之奇形豈天賦割剝諒非時礫磈還同
瘦扶疎不是痿猶能為拂子敢負少陵詩

藤

牆傾何須附尺地幸相容但憚渠何罪髡為城旦春纏根維石
固食葉有虫攻印首疑飛躍乘雲欲化龍

竹

委巷名脩竹胡為不稱名空庭秋月落短影愧詩評嫋娜因風
舞蹒跚着地行仰看松百尺能結歲寒盟

謝石田送匏硯復次前韻

園官驚見瓠壺肥肯信良工自範圍物在要論真與假譜亡空

較是耶非出門合轍何從合迹
累歸儒始是歸不是癡翁多玩
好平生有號更誰依

中秋後二夜獨坐

不須把酒問青天秋色平分恨稍偏
已覺初昏星漸密難教既望月長圓
詩中蟋蟀依牀下江上芙蓉到檻前
更有桂花香可挹垂堂獨坐未成眠

題湯溪胡氏藏朱澤民山水大幅

晴雲亂落長澗疊嶂秀依密林
樂鏗然自作茅堂可徹鳴琴
顧天錫參政以公事畢過吳中省墓復還南陽送別

北來一月逐賓鴻秋水方舟有雨風
獨戀松楸忘道遠徧觀禾黍樂年豐
身強肯惜驅馳力地重當論保障功
山數通民知在念相逢吳下恨匆匆

題王浚之茗醉廬

昔聞爾祖王無功曾向醉鄉終日醉
醉鄉茫茫不可尋後世惟傳醉鄉記
君今復作醉鄉游醉處雖同游處異
此間亦自有無何依舊幕天而席地
聊將七椀解宿醒飲中別得真三昧
茅廬睡起紅日高書信先回孟諫議
陸羽盧仝接蹟來仍請又新論水味
不從衛武歌抑詩初筵客散多威儀
無功先生安得知醉鄉從來分兩岐

歎雨中桂樹

幽香發叢桂秋半以為期今年節序早
怪爾獨開遲開遲不須較終然亦遲
萎及此正開際金粟仍累累倚樹日
頻嗅折枝戒童兒夜來風雨作每旦
無晴曦繁花綴狼籍衆葉共紛披此猶
欺蚬久發達值年衰一朝不自意憂
患復干之植物尚如此人

生安足悲

重陽前連雨續潘邠老詩四首

滿城風雨近重陽景物蕭然嬾下堂門外催租教且去籬邊送酒喚誰嘗久期稔歲禾俱偃俗愛佳名菊未黃無限悲秋莫能記強將詩句續潘郎

滿城風雨近重陽桂樹叢深闕小堂掃地焚香聊復爾升階拜石亦何嘗壁間着色新苔綠庭下無聲敗葉黃莫把茱萸還徧插老年衰鬢似馮郎

滿城風雨近重陽錄事年來築草堂宴坐謾將茶餅閱清齋惟許菜羹嘗浮空到處雲頭黑射地何時日脚黃溪上得魚驚水長扁舟篔簹笠見漁郎

飲不須嘗樓高正愛遙岑碧牆短先驚馬古樹黃坐念昔人真自愧楊雄三世尚為郎

雨止後復續邠老句二首

滿城風雨近重陽何處歡聲忽闕堂酒擊宿醅猶強飲飯炊新米定爭嘗步臨積水驚垂白坐傍明窗寫硬黃老倦不能親句讀教兒安得作賢郎

滿城風雨近重陽倏見斜曛晚入堂病有客來難答拜食無君賜孰先嘗籠奴鴨脚纍纍白盤飮駝蹄濺濺黃一任西鄰還撲棗杜詩不用贈吳郎

趙松雪秋江待渡臨本

蘋末風生江水響野航載客時來往白雲故映丹楓明秋色滿前誰獨賞江頭待渡心不忙日落高人猶偃仰負薪只恐到家

遲隔岸樵夫豈吾黨妙句窮搜入杳冥詩成似作推敲狀此圖
舊出松雲翁百年模寫將無同紛紛真贗何足論堂上依然攢
數峰

南唐王齊翰剔耳圖

後有東坡跋語載王晉卿耳聾事

綵毫細染王良史玉手親收黃保儀剔耳不妨閒釋卷撚髭全
勝苦尋詩危言自足驚都尉善戲何須及帝姬寫入志林傳後
代眉山此段事尤奇

文宗儒以重九獨飲用東坡古來四事巧相違之句續

成一詩見示偶夜過宗儒北莊乘月而歸因次韻以復
古來四事巧相違近擬田家置短扉學圃敢誇今日是開尊未
覺老年非岸頭軋軋挑禾去樹裏熒熒乞火歸明月滿窗仍列
岫主人堪比謝玄暉

飲不須嘗樓高正愛遙岑碧牆短先驚古樹黃坐念昔人真自
愧楊雄三世尚為郎

雨止後復續邠老句二首

滿城風雨近重陽何處歡聲忽闕堂酒擊宿醅猶強飲飯炊新
米定爭嘗步臨積水驚垂白坐傍明窗寫硬黃老倦不能親句
讀教兒安得作賢郎

滿城風雨近重陽倏見斜曛晚入堂病有客來難久拜食無君
賜孰先嘗籠收鴨脚纍纍白盤釘駝蹄澱澱黃一任西鄰還撲
棗杜詩不用贈吳郎

趙松雪秋江待渡臨本

蘋末風生江水響野航載客時來往白雲故映丹楓明秋色滿
前誰獨賞江頭待渡心不轉與洛高人猶偃仰負薪只恐到家

遲隔岸樵夫豈吾黨妙句窮搜入杳冥詩成似作推敲狀此圖
舊出松雲翁百年模寫將無同紛紛真贗何足論堂上依然攢
數峰

南唐王齊翰剔耳圖

後有東坡跋語載王晉卿耳聾事

綵毫細染王良史玉手親收黃保儀剔耳不妨閒釋卷撚髭全
勝苦尋詩危言自足驚都尉善戲何須及帝姬寫入志林傳後
代眉山此段事尤奇

文宗儒以重九獨飲用東坡古來四事巧相違之句續

成一詩見示偶夜過宗儒北莊乘月而歸因次韻以復
古來四事巧相違近擬田家置短扉學圃敢誇今日是開尊未
覺老年非岸頭軋軋抵木去樹裏熒熒乞火歸明月滿窗仍列
岫主人堪比謝玄暉

為史太守題畫

青山岌嵒環洛下洛人盡是看山者史侯早作甲科人只踏京
塵跨驄馬昨分符竹到蘇州夙夜常懷民社憂吳山西望亦不
俗日坐黃堂無暇游是誰寫入丈縑裏白雲移來露其趾喬林
深處着茅廬黃髮高人多壽祉惟昔鄉人白樂天當時游賞亦
稱賢請侯暫輟一日事却按畫圖還泛船

謝王惟顥贈雕漆柱杖

良工雕刻幾時成入手鏗然忽有聲海鶴蛻來蒼骨露壑蛇蟄
起紫皮明江心栳竹空勞詵階下藜科浪得名雅意扶衰真不
薄欲將文本作函盛

匏翁家藏集卷第二十一

匏翁家藏集卷第二十二

詩四十六首

題華東湖作族姪女冬娘死節傳後

江淮兵變到中吳死節多從女丈夫獨有冬娘名姓著一篇家傳賴東湖

題王孟端贈趙定軒墨竹二首

鳳凰池上掌絲綸餘興依然見墨痕戲寫一枝何處贈吳門相見趙王孫

秋風欲動覺蕭蕭萬木空憐葉自凋見說舍人高致好一枝惟許換吹簫

題柯敬仲博士墨竹上有虞道園詩

奎章閣下鑿書時書法翛然見竹枝碧玉漸高應解籜倩誰深

刻道園詩

趙松雪溪山秋霽圖臨本為奎姪題

碧山爭秀掃蛾眉故着丹楓點染之松雪齋中人不見後人猶解學王維

捩鼻圖

昨見剔耳人今見捩鼻者莫言人道我有嚏我自打

春溪聚禽圖

春溪遠發春山中一夜好雨溪流通綠波泛漲渺無際但見桃花千樹紅鴛鴦鷓鴣何容與散亂中流錦為羽倉唐獨似避游人去踏花枝落紅雨草深哺子芳洲晴葉暗仍聞求友聲展圖便有會心處放棹欲作春溪行玄裳縞衣彼何者為戀高松倚平野莫論鴻鵠志安知名字俱標在埤雅

題陳季昭畫

金昌亭側舊樓居索畫人來坐不虛誰信高年筆猶健案頭臨畫似臨書

題范文正公書伯夷頌後

鄉先正范魏公楷書韓子伯夷頌宋元以來題詠甚多然奸檜亦廁其間有韓范不時有此心誰與論之句是可笑也寬舊觀此卷今再從公裔孫從規借觀焚香再拜謹題其後

西望天平萬石林凜然生氣到于今名文有託幽光顯餘事能傳楷法深義士若微真接蹟名臣雖有莫論心歲寒堂裏千年物敢作尋常翰墨臨

題西閭吳子潤製刻絲壽圖

機中織錦漸秦娥唐宮刺繡如拙何絲絲日暖臨窗搓新藝試
看投金梭剡雲割霧補銀河旁人不識以手摩非紵非綺
羅但見空明搖玉波上有雙桐交碧柯下有靈草連綠莎奇石
屹立仍嵯峨僊人曳杖顏微酡幅巾翛然步平坡高躋壽域髮
未皤丹青朱粉費調和畫家自來無此科裁成萊衣舞婆婆羔
皮豈少緘與純吳中妙手不可磨樹間有字知為他五色文縑
一尺玻清曉持向高門過海鄉樂事新年多試呼家童歌此歌

陸天游畫

翛然掩陋室幸此絕塵鞅偶開水墨圖頗慰山林想危岑瞰深
碧湖水平於掌喬木四五株秋氣始蕭爽不逢弄舟人似聽伐
木響二老足高致多暇自來往落照變巖姿臨流更欣賞

黃大癡畫

疊嶂帶微雲清溪落高樹茅屋是誰營緣知最佳處城中無一
屨門外有雙屨不盡此圖情癡翁更題句

杜東原畫

曾過杜老宅不見舊林亭此日看圖畫多年失與刑古藤垂地
紫弱柳映門青彷彿當時意吾衰鬢已星

任月山七馬飲飼圖

一馬初飲泉三馬共嚼草二馬欲飲一未嚼七馬繫維俱擗子
圍人飲飼亦良苦莖草汲泉須美好驅馳正用千里力不使爾
渴使爾飽爾如無用却徒然天閑肥馬雲錦連

登故友史西村小雅堂

路繞黃家溪水長春風麗淚復登堂草荒求仲常來徑塵滿元
龍舊臥牀分手死生嗟契闊傷心聚散覺淒涼高丘數尺棲神

地碧樹爭凋不待霜

訪啓南舟中望虞山憶與啓南同游今二十年矣

蜿蜒平野臥青山相見令人獨厚顏徒有詩篇曾記詠已無筋
力再躋攀船頭旋轉憑黃帽水面低回擬翠髮舊日同游誰在
者欲從東老學清閒

夜宿啓南宅風雨大作

賓筵燈燭對清光更許扁舟繫岸傍衆竅盡號風在野舊痕猶
記水侵牆草堂突兀春星暗柳市回環海浪長天意莫言能帶
客老年難自別西莊

題啓南過吳江舊圖

吳松江腹太湖頭雌霓連蹙臥碧流我昨經行覺尤勝滿船明
月下滄洲

過菽扁畱題王葦菴宅

三十年前此地來高門重見向陽開席間香氣梅花供庭下清
陰栝子臺春及西疇農事動晚來東浦釣船回主人為滌胸中
垢臨別還教進茗杯

賦葦菴新栽四栝

嘉樹初從何處移並持高節已虬枝良材舊作荊州貢別種休
評杜老詩杜有四
松之詠春雨總沾親手植歲寒能長及肩隨他年五
老成賓主秀色參天映壽卮

謁外家墓

高塋昔所築遠在西山陬始鑿處士穴萬石臨上頭忽逾二十
載旁峙復二丘左女中
右女善荒涼樹盡伐蔓草自綢繆周垣既傾缺
中路廢誰修處士有厚德賢配信其儔如何使至此天道亦可

尤二子伯最美獨抱子女憂上冢無哭聲陳設空肴羞我獨重
感歎淚下不可收有姪弱不振生計且無謀琢石為表識次第
植松楸吾當任其事庶以慰諸幽

送僧無礙歸太原

出門有礙是何言萬里南游自太原總道水流還赴壑亦知葉
落要歸根

為奎姪題吳隱之刺史遺象

南行曾是飲會泉百世清名尚卓然遺象未知還似否賦詩惟
與後人傳

曾乞楊

來薦新每恨無佳味欲向先

坐手自

題陳憲副賣書圖後

過門作別意何如為說嘉禾去賣書條過驛程輕是舫久知家
具少於車古人糟粕猶酣甚舊日筌蹄豈棄餘莫把賣書圖也
賣要看清節正須渠

紀游靈巖有序

靈巖為故吳宮自唐以來詩人題詠甚多而吳人歲
必往游故范文穆公詩有不到靈巖即虎丘之句予
少時猶見山下有石碑曰第一宮後寺既壞而山復
遭石工之厄游者益少弘治丁巳三月予將北上與
文宗儒輩匆匆一行時主僧久戒鑿石種松滿山予
喜茲山之復興也賦詩紀之

載吳宮瞰瀆川重尋蹊徑意茫然青山亦有興衰日白髮空

尤二子伯最美獨抱子女憂上冢無哭聲陳設空肴羞我獨重
感歎淚下不可收有姪弱不振生計且無謀琢石為表識次第
植松楸吾當任其事庶以慰諸幽

送僧無礙歸太原

出門有礙是何言萬里南游自太原總道水流還赴壑亦知葉
落要歸根

為奎姪題吳隱之刺史遺象

南行曾是飲會泉百世清名尚卓然遺象未知還似否賦詩惟
與後人傳

答光福張君送楊梅樹

曾乞楊家果樹栽銅坑山裏忽移來薦新每恨無佳味欲向先
塋手自培

題陳憲副賣書圖後

過門作別意何如為說嘉禾去賣書倏過驛程輕是舫久知家
具少於車古人糟粕猶酣甚舊日筌蹄豈棄餘莫把賣書圖也
賣要看清節正須渠

紀游靈巖有序

靈巖為故吳宮自唐以來詩人題詠甚多而吳人歲
必往游故范文穆公詩有不到靈巖即虎丘之句予
少時猶見山下有石碑曰第一宮後寺既壞而山復
遭石工之厄游者益少弘治丁巳三月予將北上與
文宗儒輩匆匆一行時主僧久戒鑿石種松滿山予
喜茲山之復興也賦詩紀之

十載吳宮瞰瀆川重尋蹊徑意茫然青山亦有興衰日白髮空

懷少壯年巨石鑿殘憐匠斧平湖浮動愛漁船主僧手種松杉
徧擬待成林更坐禪

紀游天池 有序

予與李世賢文宗儒諸公徧游西山晚至天池有老
僧三人皆垂白髮數寸見客相視愕眙其一人明日
持卷造予家索詩自言不入城者二十餘年矣憐其
意懇既為題二絕句復賦此紀之

怪石巉然鑿削成寺前仍有一泓清山深游客來應嬾林密居
僧見若驚瘦骨能支猿鶴老長顱不剃雪霜明將詩何用真堪
惜二十餘年復入城

予以服除赴京啓南謂年老難別拏舟遠送感念故情
以詩叙謝

行經錫谷又毘陵豈是山陰興可乘千里綠波隨客去中宵白
髮向人增老年敢祝惟多愛厚祿深慚自不勝杖屨相從須有
日臨岐詩券最堪憑

題無錫李舜明家藏宋王梅溪謝先世侍郎琳為主司
啓并題御賜詩遺墨後

喜錄英髦
宋家南渡有文豪賜葬猶瞻墓柏高畱得舊時遺墨在持衡真

宿呂城

連朝離抱不能平又記南來宿呂城酒散長亭驚雨至時同年
將德夫
載酒遠送棹依高岸識潮生麥秋未到猶二月瓜步將臨只一
程賴有故人同夜坐白頭相對燭花明

自邵伯至寶應風雨中連日過湖

滿船風雨過重湖湖上帆開百幅蒲遠岸芙蓉蘆紛自舞中流鷁
鶴亂相呼行期莫把前程算身計先為晚歲圖積水混茫三萬
頃只將震澤抵中吳

入清河

扁舟離東楚始入清河行欲向水濱問如何負清名清河自南
下黃河自東傾昔者本異派下合猶分明一從河為患散漫殊
縱橫充豫失故道迂行過彭城迤邐數百里洶湧勢不平遂令
清河濁敢望黃河清孰為究其故厥咎從何生清濁各歸宿巨
海終合并河伯須率職勿俾識者驚

下邳道中見山

我行過京口青山似追餞十日浮濁流無復見山面今朝入下
邳有物臥平行風回亂帆開山色如復見茫茫曠野間翠几誰
所獻舟中踟躕身自覺忽輕健歐公記瑯琊蘇子訕陽羨多以
此竝論聊慰平昔願

望桓山

郭外岡巒如大環蘇子放鶴亭記語西偏人說是桓山舟中引領猶堪
望石上題名孰與刪予未嘗游此聞有好堂制若封黃壤燥斧
事者題予名于石痕仍帶紫苔斑孔林樹古無人伐地下知君亦厚顏

過沛縣懷縣令顏伯偉與其子同死兵難

誅錯兵來漢室輕區區一令肯前迎何人獨以家為計有子還
憐史失名主辱固當全大節身亡旋復共孤城夜深河上扁舟
過嗚咽猶聞流水聲

泊濟寧

路入任城懷舊事誰家有酒當金龜南湖積水將分處孤月隨

人正滿時翠柳行深烏市亂黃沙岸古燕巢危薰風送暑趨京
國心與河流欲並馳

東昌道中偶閱畫冊各賦短句

菜

翠玉曉籠從畦間足春雨咬根莫棄葉還可作羹煮

瓜

瓜類一何多吾欲問老圃更乞東陵侯來救渴者苦

茄

種茄糞壤中地力亦易竭厥狀雖不同難將味分別

蘿蔔葱

玉杵削未春金絲束成繚和以翡翠莖併作春盤料

芋薺

鬩鬩滿筐盛上帶封門土咀嚼味遠佳地粟何足數

楊梅

五月果初熟枝頭鶴頂丹欲知甘冷好千顆薦冰盤

笋

已抱錦裯兒仍參玉版師吳門啖已足正屬燕來時

木筆

半含成木筆本號是辛夷一樹石庭下故園增我思

梔子

此種為薝蔔名曾載佛書瓣香凡六出卻與雪花如

渡口驛遇風

黃沙障天天半昏砲頭風急萬馬奔何人去塞土囊口天與河
流一色渾曠野麥苗纔尺許只見風來不見雨雨師風伯不相

能彼蒼高高奈何汝

黃水朝天天半介

數口

上


半

大

已

其

匏翁家藏集卷第二十二



書